



精校
大字
漢魏叢書九十六種

上海大通書局發行
武進唐鉅著

14
3148
1



今言十九卷

月天
大宇
漢魏
雜書

王莽大造書局發行

91-0598

14
3148
1

全書計九十六種

全書三十二册分訂四函有
光紙定價上海大洋十二元

精校
大字
漢魏叢書

上海大通書局發行

大下中包氏
1991.4
寄贈

經

果

經

博	孝	白	州	詩	周	易
疋	傳	虎	木	傳	易	林
釋	小	通	蟲	詩	略	京
名	爾	獨	魚	說	例	氏
	疋	斷	記	韓	古	易
	方	忠	大	詩	三	傳
	言	經	戴	外	墳	關
			禮	傳	汲	氏
			記		冢	易
			春		周	傳
			秋		書	
			錄			
			露			

序

一書而萃羣籍之精者莫叢書若矣自結繩既易文藉孳生石渠天祿之所藏浩如淵海其鴻編巨帙譬若揭日月而行學者縱未能全讀其書已無不知其大概至若周秦以來三墨人儒之論說竹書稗乘之紀聞瓌辭俛義自非裒兔園冊者所可概見然則叢書之刻厥功偉矣

國朝

通儒所刻如平津館抱經堂墨海金壺知不足齋大抵今古並收其專採古書者如津逮秘書周秦十一子古經解彙函其專輯漢魏古書者則如張氏所刻之二酉堂然祇三十六種而上及先秦下逮六朝者維括蒼何氏鐘所輯之漢魏叢書為最博都凡百種惜未梓行新安程氏榮刻三十八種武林何氏允中

刊七十六種而何氏所刊又據東海屠隆別本按明史藝文志類書明載有屠隆漢魏叢書六十卷蓋即何氏所見本也降而國朝金谿王謨搜為八十六種又廣為九十四種羅致宏富洵為鉅觀流傳既久原板漫漶學界儒士惜焉病之比者科舉廢而學堂興

聖天子殷之從國粹為憂故又有存古學堂之設雖然若無稽古傑作之文安有推廣普及之日竊思漢魏為古學之宗廣集新舊之刻特聘通儒詳加攷究復增至九十六種駁駁乎復何氏之舊觀矣重以泰西石印法印之校對精確魯魚亥豕之病免焉稽古家其有豸乎書既成而乞叙於余爰書緣起云
宣統三年夏月通州張壽重叙 會稽陶潛宣書

增訂漢魏叢書目次

經翼	漢 焦 顛著
易林	漢 京 房著
易傳	北魏 關 朗著
易傳	魏 王 弼著
易略例	晉 阮 咸注
三墳書	晉 孔 晁注
汲冢周書	衛 端木賜著
詩傳	漢 申 培著
詩說	漢 韓 嬰著
韓詩外傳	漢 陸 璣著
詩草木蟲魚疏	吳 陸 璣著
大戴禮記	漢 戴 德著
春秋繁露	漢 董仲舒著
白虎通	漢 班 固著
獨斷	漢 蔡 邕著
忠經	漢 馬 融著
孝傳	晉 陶 潛撰

小爾雅

方言

廣雅

釋名

別史

竹書紀年

穆天子傳

越絕書

吳越春秋

西京雜記

漢武帝內傳

飛燕外傳

雜事秘辛

華陽國志

十六國春秋

三國志辯誤

元經

羣輔錄

漢 孔 鮒 著

漢 楊 雄 紀

魏 張 揖 著

漢 劉 熙 著

梁 沈 約 著

晉 郭 璞 注

漢 亡名氏 補

漢 趙 曄 著

漢 劉 歆 著

漢 班 固 撰

漢 伶 元 撰

漢 亡名氏 撰

晉 常 璩 著

魏 崔 鴻 著

宋 亡名氏 著

隋 王 通 著

晉 陶 潛 著

英雄記

高士傳

蓮社高賢傳

神仙傳

子餘

孔叢子

新語

新書

新序

鹽鐵論

說苑

淮南子

法言

申鑒

論衡

潛夫論

中論

中說

魏 王 粲 著

晉 皇甫謐 著

晉 撰 人 闕

晉 葛 洪 著

漢 孔 鮒 著

漢 陸 賈 著

漢 賈 誼 著

漢 劉 向 著

漢 桓 寬 著

漢 劉 向 著

漢 劉 安 著

漢 楊 雄 著

漢 荀 悅 著

漢 王 充 著

漢 王 符 著

漢 徐 幹 著

隋 王 通 著

風俗通	漢應劭著
人物志	魏劉劭著
新論	梁劉勰著
家訓	北齊顏之推著
參同契	漢魏伯揚著
陰符經	漢張良著
風后握奇經	漢公孫宏解
素書	漢黃石公著
心書	漢諸葛亮著
孫子	魏武帝注
列子	東晉光祿張勳湛註
傅子	晉傅元撰
老子道德經	高黃帝禦製
戴籍	
古今注	晉崔豹纂
中華古今注	大學博士馬縞集
文心雕龍	梁劉勰著
博物志	晉張華著

詩品	梁鍾嶸著
書品	梁庾肩吾著
尤射	魏繆襲著
拾遺記	晉王嘉著
述異記	梁任昉著
續齊諧記	梁沈約撰
搜神記	晉干寶著
續搜神記	晉陶潛著
還寃記	北齊顏之推著
神異記	漢東方朔著
十洲記	漢東方朔著
洞冥記	漢郭憲著
枕中書	晉葛洪著
佛國記	晉釋法顯著
洛陽加藍記	後魏楊銜之著
三輔黃圖	漢亡名氏著
水經	漢桑欽著
星經	漢石申著

荆楚歲時記	晉宗懔著
南方草木狀	晉嵇含著
竹譜	晉戴凱之著
禽經	晉張華注
刀劍錄	晉陶宏景纂
鼎錄	梁虞荔纂
外史	漢黃憲著
輶軒絕代語	漢楊雄著
鄴中記	晉陸翹撰
博異記	谷祥子纂
世本	宋衷注

易林序

大凡變化象數莫逃于易惟人之情偽最為難知蓋者尚占憂者與處貢明且哲乃留其術俞巖耕東鄙自前困蒙
 各有枉駕蓬廬以佳辭軸出示俞嘗讀班史列傳及歷代名臣譜系諸家雜說之文感稱自天子授易於商瞿僅
 餘十輩延壽經傳於孟喜固是山時當西漢元成之間凌夷厥政先生或出或處輒以易道上下梁王遂為郡察舉
 詔補小黃令而邑中隱伏之事皆預知其情得以寵異蒙遷秩亦卒於官次所著大易通變其卦總四十九十六題
 事本彌綸向歸簡易辭假出於經史其意合於神明但齋潔精專舉無不中而言近意遠易識難詳不可瀆蒙以
 為辭費後之好事如君行者則子雲之書為不朽矣晉聖唐會昌景虞歲周正主白靈越之雲溪漢王俞序
 易林總評

鍾伯敬曰焦延壽用韻語作易古蓋做古繇辭如鳳凰于飛和鳴鏘鏘之類也其語似識似謠似譚似隱似寓似脫
 異想幽情深文急響取其靈警奇奧可純乎四言者以存漢詩一派 又曰易林以理數立書文非所重然其筆力
 之高筆法之妙有數十百言所不能盡而藏裏回翔於一字一句之中竟然有餘者其鍛鍊精簡未可謂無意為
 文也 陳明卿曰易林天下奇書也好古之士與太元並讀余謂太元以有意為奇易林以自然足貴
 易林總目

卷一	乾 坤 屯 蒙 需 訟 師 比 小畜 履 泰 否 同人
大有 謙 豫	
卷二	離 隨 蠱 臨 觀 噬嗑 賁 剝 復 无妄 大畜 頤 大過 坎
咸 恒 遯 大壯 晉 明夷 家人 睽 蹇 解 損 益 夬	

漢魏叢書

焦氏易林

姤 萃 升 困
卷四 井 革 鼎 震 艮 漸 歸妹 豐 旅 巽 兌 渙 節
中孚 小過 既濟 未濟

焦氏易林卷一

漢 焦

乾之第一

乾 道險多阪胡言連蹇謹瘠且聾莫使道通請謁不行求事無功
坤 招殃求警善我邦國病傷手足不得安息
屯 陽孤亢極多所恨憂重傾益亡身常憂惶乃得其願雌雄相從
蒙 鵠鳴鳴鳴專一無尤君子是則長受嘉福
需 目矐足動喜如其願舉家蒙寵
訟 龍馬上山絕無水泉喉焦唇乾古不能言
師 倉盈庾億宜種黍稷年豐歲熟民人安息一作國家富有人民蕃息與此之升同坤之恆
比 中夜犬吠盜在墻外神明祐助消散皆去
小 据斗運樞順天無憂所行造德與樂並居
履 空拳握手委地更起富饒豐行快樂無已
泰 不風不雨白日皎皎宜出驅馳通理大道與坤同
否 載日晶光駉駕六龍祿命徹天封為燕王

同人 子號索哺母行求食反見空粟警我長息

大有 上帝之生福祐日成修德行惠樂且安寧

謙 山險難登澗中多石車馳擊載重傷軸擔載差躑踈跌右足

豫 禹鑿龍門通利水源東注滄海民得安從一作存

隨 乘龍上天兩蛇為輔湧躍雲中遊觀滄海民樂安處

臨 彭祖九子據德不殆南山松柏長受嘉福

觀 南山昊天刺政閔身疾悲無辜背憎為仇

噬 江河淮海天之奧府眾利所聚可以饒有樂我君子

賁 堅冰黃鳥常哀悲愁不見甘粒但見藜蒿數驚鷺鳥為我心憂

剝 室如懸磬既危且殆早見之士依山山谷處

復 大禹戒路蚩尤除道周匝萬里不危不殆見其所使無所不在

姤 三人為旅俱歸北海入門上堂拜謁主母飲勞我酒

畜 傳言相誤非干徑路鳴鼓逐狐不知跡處

頤 三年爭妻相逐奔馳終日不食精氣勞疲

過 純服黃裳戴上以興德義既生天下歸仁

坎 桀跖並處人民愁若擁兵荷糧戰於齊魯

離 黃鳥來集既嫁不答念我父兄思復邦國

胎生孚乳長息成就充滿帝室家國昌富

咸 三人求福反得大粟女貴以富黃金百鎰

恒 東山西岳會合俱食百家送從以成恩福

遯 眇難無距與鵠交鬪翅折目盲為鵠所傷

暌 卻大墻壞蠹眾木折狼虎為政天降罪罰高試望夷胡亥以斃

晉 三廢俱走迷路失道惑不知歸反入患口

明 弓矢俱張把彈折弦丸發不至道遇害患

家人 三女求夫不見復關伺候山隅長思憂歎

睽 陽旱炎炎傷害未穀穡人無食耕夫嘆息

蹇 騎牝逐羊不見所望徑涉虎窟亡牝失羔

解 暗昧冥語相傳註誤鬼魅所舍誰知卧處

損 姬姜祥淑二人偶食論仁議福以安王室

益 公孫駕驪載聘東齊延陵說產遺季紕衣

夬 孤竹之墟失婦亡夫傷於羨黎不見少妻東郭棠姜武氏以亡

姤 仁政不慕鳳凰來舍四時順節民安其處

萃 任劣力薄辱罵恐怯如蝟見鵠不敢拒格

升 衛侯東遊惑於少姬亡我考妣久逝不來

困 噂噂所言莫如我垣歡喜堅固可以長安以頌

井 龍鳴岐山龍應山淵男女媾精萬物化生文王以成為開周庭

革 元黃虺隤行者勞疲役夫憔悴踰時不歸

鼎 弱足剛跟不私出門市賈不利折亡為患

震 懸豕素餐居非其安失輿剝廬休坐徒居

艮 民怯伐惡姦人所伏寇賊大至入我邦郭妻子係獲一本為歸妹辭

漸 陽低頭陰仰首水為凶傷我寶進不利生其子

歸 背北相憎心意不同如火與金一本為艮辭

豐 太微帝室黃帝所值藩屏固衛不可得入常安無患

旅 繭粟犧牲敬享鬼神嗜飲食受福多孫

巽 出門逢惡為患為怨更相擊刺傷我手端

兌 鷓飛中退舉事不進宋人亂潰

渙 跛踦相隨日暮牛罷陵遲後旅失利亡雌秦之復同

節 龍角博類位至公卿世祿久長起動安甯

狎 舜升大禹石夷之野徵詣王庭拜治水師之小

過 從風放火秋芝俱死三害集房叔子中傷

既 梗生荆山命制輸班袍衣剝脫夏熱冬寒飢餓枯槁眾人莫憐

濟 長面大鼻來解己憂遺吾福子惠我嘉喜

坤 坤之第二

不風不雨白日皎皎宜出驅馳通利大道

乾 谷風布氣萬物出生萌庶長養華葉茂威

屯 蒼龍單獨與石相觸摧折兩角室家不足

蒙 城上有馬自名破家招呼魃毒為國災患

需 霜降閉戶蟄蟲隱處不見日月與死為伍小畜之解

訟 天之德室溫仁受福衣裳所在凶惡不起

師 皇陞九重絕不可登謂天蓋高未見王公

比 孔德如玉出於幽谷飛上喬木鼓其羽翼輝光照國

畜 五範四軌復得饒有陳力就列騶虞悅喜履疑四足無角君子所服南征述職以惠我國

履 敝筍在梁鮒逸不禁漁父勞苦連室乾口

泰 雷行相逐無有攸息戰於平陸為夷所覆

否 六龍爭極服在不飾謹慎管鑰結禁無出

同人 長男少女相向共語析薪在尅福祿歡喜

有 遷延惡人使德不通炎火為殃禾穀大傷

謙 修其翰翼隨風向北至虞夏國與舜相得年歲大樂邑無盜賊

豫 鈇刀攻玉堅不可得盡我筋方眠爾為疾比之

隨 舉袂覆目不見日月衣裳簞簞就長夜室臨同

蠱 賊人傷德大怒不福斬刈宗社失其邦國

臨 白龍赤虎戰鬪俱怒蚩尤敗走死於魚口

觀 北辰紫宮衣冠立中含和建德常受天福需之共坤之解俱同

噬 稷為堯使西見王母拜請百福賜我嘉子

賁 二人異趣反覆迷惑一身五心亂無所得

剝 南山大獲盜我媚妾怯不敢逐退而獨宿

復 眾尤所逐反作光怪九身無頭冤驚冤去不可以居

姤 延頭遠望昧為目疾不見叔姬使伯心憂

畜 典冊法書藏在蘭臺雖遭亂潰獨不遇災大有之恒

頤 自衛反魯時不可與冰炭異室仁道隔塞

遯 瘤癭秃疥為身瘡害疾病瘵殘常不屬遠

坎 東齊郭盧嫁於洛都俊良美好媒利過倍

離 齊魯爭言戰於龍門構怨連禍三世不安比之蠱賁之睽

咸 膏澤肥壤農人豐敵利居長安歷世無患乾之師比之升

恒 倉盈庾億宜種黍稷年豐歲熟民得安息

遯 鳩鴉破斧邦人危殆賴且忠德轉禍為福傾危復立

壯 歲飢無年虐政害民乾溪驪山秦楚結冤

明 柳潔累累締結難解媒母街嫁媒不得坐自為身禍

家人 嘗隙開門鶴鳴彈冠章甫進用舞韶和鸞三人翼事國無災患

睽 邯鄲反言父兄生患涉此憂恨卒死不還

蹇 三人逐兔各爭其得愛善善走多獲其子

解 北辰紫宮衣冠立中含和建德常受天福坤之觀

損 拜跪請免不得其哺俛首銜枚低頭北去

益 鶴盜我珠逃於東隅求我郭壚不見所居

夬 一簧兩舌妄言謀訣三姦成虎曾母投杼

姤 伯虎仲能德義洵美使布五穀陰陽順序一作孤獨特處莫與為伴身自勞苦使布五穀陰陽順序

萃 褰衣涉河澗流浚多賴遇舟子濟脫無宅

升 憑河登山道路阻難求事少便

困 免置之容不失其恭和謙致樂君子攸同

井 三女求夫伺候山隅不見復闕泣涕連如

革 螟蟲為賊害我五穀箕筭空虛家無所食需之明夷

鼎 望尚阿衡太宰周公藩屏輔弼福祿來同

震 三年生狗以成戌母荆妻上侵姬伯出走需之訟

艮 塗回道塞求事不得

漸 探懷得蚤所愿失道一本下有無有凶憂善居滑好

歸 飛蟻遇道趾多攪垣居之不安覆厭為患

豐 義不勝情以欲自傾幾危利寵折角摧頸

旅 潼瀨蔚鬱扶首來會津液下降流添滂霈

巽 白駒生芻倚倚威赫誼君子樂以忘憂

兌 車馳人趨卷甲相仇齊魯寇戰敗於犬止

渙 舉首望城不見子貞使我悔生

節 龍關時門失理傷賢內畔生賊則生福難

坤 安如泰山祿祐屢臻雖有豹虎不敢危身

過 初憂後喜與福為市八佾列陳飲御嘉友訟之坎

既 持刀操肉對酒不食夫行從軍少子入獄抱膝獨宿

睽 陰衰老極陽建其德履離戴光天下照明功業不長蝦蟇代王否之元妄大有之臨

屯 屯之第三 兵征大宛北出玉關與胡寇戰平城道西七日絕糧身幾不全

乾 汎汎栢舟流行不行耿耿寤寐心懷大憂仁不逢時復隱窮居

坤 採薪得麟大命隕顛豪雄爭名天下四分未濟

蒙 山崩谷絕大福盡竭涇渭失紀玉歷盡已

需 夏臺麥里文王所厄鬼侯輸賄商王解合

訟 泥津汗辱棄捐溝瀆所共笑哭終不顯錄

師 李梅久實國多盜賊擾亂並作君不得息同人

比 獐鹿逐牧飽歸其居反還次舍無有疾故小畜

副 夾河為婚期至無船淫心失望不見所歡

履 百足俱行相輔為強三聖翼事王宅龍光元比之

否 坐位失處不能自居調攝違和陰陽顛倒

同人 登几上輿駕駟南遊合從散橫燕秦以強

謙 三系維弩無益於輔域弱不守郭君受討

豫 河伯大呼津不得渡船空無人往來亦難

臨 甘露醴泉太平機關仁德感應歲樂民安師之

隨 重茵厚席循高採羞雖躡不懼後友其宅又云律墮高木痺膝手足保我金玉還歸其室

臨 太乙駕驅從天上來徵我叔季封為魯侯無有凶憂需之比否

觀 南已大安石斛戟天所指不已已老復一將臺乃嫁墟做室舊更為新家

賁 家給人足頌聲並作四夷賈伏干戈韜閣一作觀卦

復 東隣嫁女為王妃后莊公築館以尊主母歸於京師季姜悅喜一作臨卦否之既濟

剝 陳媯敬仲兆興齊姜營上是適八世大昌比之豫

剝 路多荆棘步刺我足不利旅客為心作毒損卦

復 天官列宿五神室屋空門完堅君安其居

復 牧羊稻園聞虎呻喧懼畏惕息終免禍患否之

復 鳴條之災北奔大胡左袵為長國號白奴主君旄頭立尊單于

剝 尅身潔已逢禹巡守錫我元辛拜受錫佑

頤 冬華不實國多盜賊疾病難醫鬼哭其室

過 襄送季女至於鴻道齊子旦夕留連火處

坎 朽根倒樹花葉落去卒逢火茲隨風偃仆

離 陰變為陽女化作男治道得通君臣相承

咸 炎絕續光光滅復明簡易理得仍成乾功

恒 多載重負捐棄於野王母離子但自勞苦

遯 江河海澤眾利安宅可以富有飲御嘉客

壯 冬採徽蘭地凍堅難利走東北暮無所得

晉 烏鵲嘻嘻天火將起燔我室屋災及妃后

明 蔓室蜂戶螫我手足不可進取為身害咎履之

睽 崔嵬北獄天神貴客温仁正直主布恩德開示不已蒙受大福

蹇 伯蹇叔盲莫與守牧失我衣裘代已除服

解 為季求婦家在東海水長無船不見欣歡

損 山陵正墓冤冤失舍精神盡竭長寢不覺

益 踣牛失角下山傷軸失其利祿過在誰孰

夬 水載船舟無根以浮往來溶溶心勞且憂

姤 有鳥來飛集于宮樹鳴聲可惡主將出去

姤 東徙不時觸患離憂并泥無濡思叔舊居

萃 黃帝所生伏羲之宇兵刃不至利以居止履之家人

升 東山極亂處婦思夫勞我君子役使休止

困 跛躄未起失利後市不得鹿子

井 大蛇當路使我畏懼湯火之災切近我膚賴其天幸趨於主廬頓之

革 從容長閑遊戲南山拜祠祀神使免患震卦

鼎 區脫康居慕仁入朝湛露之歡三爵畢恩復歸野廬與母相候

震 龜鱉列市河海饒有長財善賈商季悅喜革卦

艮 年常蒙慶今歲受福三伏採芭出君有得

漸 二人俱東道路爭訟意乖不同使我凶

歸 樹栽藿豈為鹿免食君不慎護秋無收入

豐 黃鳥悲鳴愁不見星困於鸞鷁使我心驚

旅 雙鳧俱飛欲歸稻池經涉荏澤為天所射傷我膏臆晉之

巽 久客無休思歸故鄉霖雨感溢道未得通

兌 道路僻除南至東遼衛子善辭使國無憂

渙 同枕其袍中年分去價少無利獨居愁思

節 眾神集聚相與議語南國虛亂百姓愁苦興師征討更立賢主小臨

坤 北陸閉蟄隱伏不出目盲耳聾道路不通

過 痴狂妄作心誑善惑迷行失路不知南北

濟 棟隆輔強寵貴日光福善並作樂以高明

蒙 愛我嬰女牽衣不與冀幸高貴反曰賤下

蒙之第四

何草不黃至未盡元室家分離悲愁於心

乾 海為水王聰聖且明百流歸德無有畔逆常饒優足頤之

坤 天之所佑禍不過家左輔右弼金玉滿匱常盈不亡富如厥倉

屯 安息康居異國穹廬非吾習俗使我心憂

需 范公陶夷善賈飾資東之營止易字子皮把珠載金多福利歸

訟 老楊日衰條多枯枝爵級不進遂乃摧墮泰之

節 小狐渡水汗濡其尾稍得其幾與道合符

比 豕生如魴鼠舞庭堂雄侯施善上下昏黃君失其邦

剝 天地配亨六位光明陰陽順序以成厥功剝之

履 蹀躞足傷右指病癱失旅後時利不走歸

泰 思體同恩各有所屬西隣孤媪欲寄我室主母罵詈求子不得

否 操耜鄉畝祈資稷黍飲食充口安和無咎

同人 新受大寵福祿重來樂且日富蒙慶得財

大 舉盃飲酒指宜失取無益溫寒亡利不懼

謙 日月相望光明感昌三聖茂承功德大隆師之節

豫 猾夫爭強民去其鄉公孫叔子戰於城南

隨 猿墮高木不踰手足保我全生還歸其室石之臨益之

蠱 逐狐東山水遇我前深不可涉失利後便

臨 鑿井求玉非下氏寶名困身辱勞無所得

觀 黃玉溫德君子所服甘露溽暑萬物生茂

噬 盡龍頭頸文章不成甘言美語說辭無名

賁 招禍致凶來弊我邦病在手足不得安息

剝 履位東勢靡有絕斃替為隸圖與眾庶伍

復 獐鹿雉兔羣聚東園盧黃白春俱往追逐九斝得君子有喜

姤 織金未成繡畫無名長子逐兔鹿失先路見利不得

畜 天厭周德命與仁國以禮靖民兵革休息

頤 重譯置之來除我憂善說遂良與喜相求

過 膏澤肥壤人民安樂宜利俱止長安言有

坎 白龍黑虎起鬚暴怒戰於阪泉蚩尤敗走居止不殆君安其所同人之比

離 抱關傳言聾跛摧筋破賊無災不安其所

咸 憂禍解除喜至慶來坐立歡門與樂為鄰小畜

恒 折鋒載及與馬放休行軍褒營天下安寧

遯 至德之君仁政且溫伊呂股肱國富長安

狀 千里望城不見青山老兔蝦蟆遠絕無家

晉 有莘季女為夏妃后貴夫壽子母於四海

夷 不虞之患禍至無門奄忽暴卒痛傷我心

人 飛鷹退去不食雉雞憂患心解君王安居

睽 踉蹌側跌申酉為崇亥戌滅明顏子隱藏

蹇 司錄憑怒謀議無道商民失政殷人之祀

解 望雞得雞求馬獲駒大德生少有廖從居

損 切切恒恒如將不活黍稷之恩靈輒以存獲生保年

益 莫莫輯輯夜作晝匿謀議我資來攻我室空盡我財幾無我食

夬 天之所壞不可強支眾口遭笑雖貴必危

姤 目動頰睨喜來加身舉家蒙歡吉利無殃

萃 寵美分香染指拂裳口飢打手公子恨讒

升 天福所鄴兆知飛龍成子得志六二已興

困 氓伯以婚袍布自媒棄禮急情卒罹悔憂

井 夏姒親附心聽悅喜利以博取無言不許

革 南山夏天刺政閔身疾悲無辜背憎為仇一作

鼎 三人為旅俱歸北海入門上堂拜謁王母勞賜我酒

震 陽淫旱病傷害稼穡農人病來農人無食一作

艮 攬飯把肉以就口食所往必得無有虛乏一作革卦

漸 鳥飛無翼走折足雖欲會同未得已惑

歸 體重飛難不得踰關行坐憂愁不離室垣

豐 四雄並處人民愁苦擁兵東西不得安所

旅 譚重開牢求解已憂心感乃成與善俱居

巽 患解憂除王母相子與喜俱來使我安居

兌 冬生不花老女無家霜冷蓬室競為枯株

渙 震慄恐懼多所畏惡行道留難不可以涉

節 三夫共妻莫適為雌子無名氏翁不可知

坤 早凋被霜花葉不長非時為父家受其殃

離 雉兔之東狼虎所食貪饕凶惡不可止息

既 馬驚破車王墮深溝身死冤去離其室廬

需 山林麓數兆人所往鳥獸無禮使我心苦

需之第五

需 久旱三年草木不生菜盛空乏無以供靈

乾 火滅復息君明其德仁人可遇身受利祿

坤 溫山松栢常茂不落鸞鳳所庇得其歡樂恒之

屯 西誅不服恃強負刀倍道趨敵師徒敗覆同之

蒙 三塗五岳陽城大室神明之保獨無兵革

訟 三年生狗以戌為母荆夷上侵姬伯出走坤之壞

師 鳧遊江海沒行千里以為死亡復見空桑長生樂鄉

比 太乙駕騮從天上來徵君叔季封為魯侯無有凶憂屯之隨否

師 任宿獨居寡處無夫陰陽失志為人僕使

履 兵征大宛北至玉門與胡寇戰平城道西七日絕糧身幾不全與屯

泰 楚靈暴虐罷及民力禍起乾溪棄疾作毒扶杖奔逃身死玄室

否 雌單獨居歸其本巢毛羽憔悴志如死灰

同人 兩矛相刺勇力鈞敵交援結和不破不缺文按名退兵也

大有 乘船濟渡載水逢火賴行免禍蒙我生全

謙 喪寵益尤政傾家覆我宗失國秦滅周室

豫 冬無藏兵春旺不通陰流為賊國被其殃

隨 田鼠野雞意常欲逃拘制籠檻不得動搖

蠱 佩玉藻兮無所繫之旨酒一盛莫與笑語孤寡獨特常愁憂苦

臨 沒游源口求鮫為室家危自懼復出生道

觀 河水孔穴壞取我室水深無岸魚鱉傾倒

噬 教羊牧兔使魚捕鼠任非其人費日無功

賁 升尸入室就溫暖食水凍北陸寒不得賊

解	賽	睽	家人	頤	晉	壯	遯	恒	咸	離	坎	蹇	頤	復	剝		
一指食肉口無所得染其鼎甌舌饒於腹	比目附翼歡樂相得行止集同終不離志	齋貝贖狸不聽我辭係於虎鬚牽不得來 <small>石之革</small>	謀恩拜德東歸吾國慷慨宴笑歡樂有福	蟻蟲為賊害我五穀篋筭空虛家無所食 <small>坤之革</small>	咸陽辰已長安戌亥丘陵生止非魚鱸市不可避阻終無悔咎	婚姻合配同枕共牢以降休嘉子孫封侯	去如飛鴻避凶直東遂得全脫與福相逢	蝠螺生子深目黑醜雖飾相就眾人莫取	卑霜晚雪傷害禾麥損功棄力飢無所食 <small>比之遯</small>	鵠思其雄欲隨鳳東順理羽翼出次日中須留北邑復反其室	鑿井求玉非下氏寶名困身辱勞無所得 <small>蒙之臨</small>	危坐至暮請求不得膏澤不降政戾民惑	烏飛鵲舉照臨東海龍降庭堅為陶叔後主祈英雄履福綏厚 <small>謙之</small>	宜昌娶嬪東家歌舞宴樂有緒長安嘉喜	載璧秉珪請命于河周公尅敏冲人瘳愈	凶禍災殃日益明彰福不可釐三卻夷傷	孤竹之墟失婦亡夫傷於蒺藜不見少妻東郭棠姜武氏破亡 <small>乾之</small>

損	益	夬	姤	萃	升	困	井	革	鼎	震	艮	漸	蠱	豐	旅	巽	兌
曳綸汀洲釣掛魴鯉公孫得利以享仲友	商紂牧野顛敗所在賦斂重數黎元愁苦	北辰紫宮衣冠立中含和達德常受天福 <small>坤之觀履之需</small>	輕戰尚勇不知兵權為敵所制征師北奔	大口宣舌神使伸言黃龍景星出應德門興福上堂天下安 <small>大畜</small>	凶子禍孫把劍向門凶訟觀鴛鴦駭我 <small>一作爭訟</small>	祝伯善言能事鬼神辭祈萬歲使君延年	珪璧琮璋執贄見王百里窳戚應聘齊秦 <small>誥之</small>	昧且乘車履危蹈溝亡夫裙襦摧折兩軸	膠着木通不出牛欄斯變羔羊家室相安	卷舌遁世仁德不舍三聖攸同周家茂興	黍稷禾稼垂秀方造中旱不雨傷風枯槁	冠帶南遊與福喜期邀於嘉徵拜為公卿	一巢九子同公共母柔順利貞出入不殆福祿所在	韓氏長女嫁於東海多貌美好宜家富壽利得十倍	因禍受福喜盈我室先人後已所願必得	晉平有疾迎醫秦國病乃大秘分為兩豎逃匿膏肓伏於膏下和不能愈	社飛門啓患憂大解修福行善不為身禍 <small>同人</small>

焦氏易林

十

渙 追亡逐北呼還稚叔至止而得反其室廬

節 鳥鳴葭端一呼三顛動搖東西危懼不安疾病無患

中 龍化為虎泰山之陽眾多從者莫敢救藏

過 焱風忽起車馳竭竭棄名追亡失其和節憂心悒悒

濟 遊居石門祿安身全受福西隣歸飲玉泉

訟 登高上山見王自言申理我冤得職蒙恩比之未

訟之第六

訟 文巧俗弊將反大質僵死如麻流血漂楫皆知其母不識其父干戈乃止

乾 文王四乳仁愛篤厚子畜十男無有天折

坤 日入望車不見子家長女無夫左手搔頭

屯 東上泰山見堯自言申理我冤以解憂患

蒙 奎軫湯湯過角宿房宣時布和無所不通

需 引鬻牽鬚雖懼無憂王母善禱禍不成災

師 鳧得水沒喜笑自啄毛羽悅澤利以攻玉公出不復栢氏各宿

比 水流趨下欲至東海求我所有買魴與鯉大之壯損之

剝 獐鹿逐牧安飽其居反還次舍無乃疾故比之

履 樹植藿豆不得芸鋤王事靡盬秋無人收

泰 弱水之西有西王母生不知老與天相保行者危殆利居善喜

否 數窮廓落困於厯室幸登玉堂與堯侑食

同人 子鉏執麟春秋作陰元聖將終尼父悲心

飲 尹氏伯奇父子生離無罪被辜長舌所為

謙 播木折枝與母別離九臯難和絕不相知

豫 眇雞無距與鵲格鬪鉗折目盲為鳩所傷復歸野廬與母相扶

隨 甲乙丙丁俱歸我庭三五六子入門見母

蠱 桑葉螟蠹衣敝如絡女工不成縵布為玉

臨 開牢闢門巡狩釋冤夏臺麥里商文悅喜

觀 欽明之德坐前玉食必保嘉善長受安福

噬 武夫司空多口爭訟金火當戶民不安處年飢無有

賁 紫闕九重尊嚴在中黃帝堯舜履行至公冠帶垂衣天下康寧

剝 負牛上山力少行難烈風雨雪遮逼我前中道復還憂者日歡

復 蹇免缺唇行難齒寒口痛不言為身生患

姤 合體比翼喜耦相得與君同好使我有福

畜 憤憤不脫憂從中出喪我寶貝亡妾失位

頤 兩心不同或從西東明論終日莫敵我從

蹇 啞啞笑言與喜飲食長樂行觴千秋起舞拜受大福

坎 初憂後喜與福為市八佾列陳飲御諸友坤之

離 西徙無家破其新事王孫失利不如止居

咸 鳳凰在左麒麟處右仁聖相遇伊已集聚時無殃咎福為我母

恒 區脫康居慕仁入朝湛露之歡三爵畢恩復歸舊盧石之

遯 疾首望幸使伯行販賈販市并開宰擇羊喜得大祥

壯 處高不傷雖危不亡握珠懷玉還歸其鄉

晉 右手棄酒左手收伴行逢禮御餌德玉杯

明 養虎牧狼還自賊傷大勇小技雖危不亡

家 戴堯扶禹松喬彭祖西遇王母道路夷易無敢難者頌之離

睽 秋冬探巢不得鵲鷄銜指北去慙我少姬

蹇 兩羝三羊俱之我鄉留連多難損其食糧

解 南徙無廬鳥破其巢伐木思切不利動搖

損 爭訟不已更相牽擊張季弱口被髮北走

益 延頸望酒不入我口初喜後否利得無有履之

夬 被髮傾走寇逐我後亡失刀兵身全不傷

姤 麟鳳所遊安樂無憂

萃 褰衣涉河水深請罷賴幸舟子濟脫無他

升 憤憤不脫憂從中出喪我金嬰無妄夫位

困 解跳不遠心與言反尼父妄行苗圃未華

井 大壯肥特惠我諸舅外和睦不憂飢渴

革 黃帝建元文德在身祿若陽春封為魯君

鼎 虎聚磨牙以待豚猪往必傷亡宜待止居一作虎厲其牙以待犬猪往必傷殘摧敗無餘利以止居

震 天地配享立位光明陰陽順序以成厥功天下和平蒙之

艮 猿墜高木不踉手足保我金玉還歸其室蒙之

漸 營室紫宮堅不可攻明神達德君受大福

歸 孤翁寡婦獨宿悲苦目張耳鳴無與笑語歸妹

豐 低頭竊視有所畏避行者不至酒酸魚敗眾莫貪嗜

旅 載金販狗利棄我走藏匿淵底悔折為咎

巽 行觸大諱與司命忤執囚束繫拘制於吏憂人有喜剝

兌 執玉歡喜佩之解擊危詳及安使我無患

渙 機杼騰擾女功不成長妹許嫁衣無襦袴聞禍不成凶惡消去

節 金人鐵鉅火燒左右雖懼不恐獨得全處

坤 謝恩拜德東歸吳國舞蹈歡躍恣樂受福

過 青牛白咽呼我俱田歷山之下可以多耕歲樂時節民人安業

漸 白雉羣雉慕德育朝湛靈之恩使我得口

離 避患東西反入禍門糟糠不足憂思我心

師之第七

焦氏易林

師 烏嗚呼子哺以酒脯高樓之處子來歸母昔人成功年歲大有姑婦無子

乾 一黃兩舌佞言諂語三姦成虎曾母投杼

坤 春桃生花季女宜家受福且多在師中吉男為邦君

屯 殊類異路心不相慕牝牛牡猴獨無室家

蒙 折葉蔽目不見雅叔三足孤鳥遠其元夫

需 雀東求粒誤入罔域賴逢君子脫復歸息

訟 王孫季子相與孝友明允篤誠升權薦舉為國藩輔

比 削木無枝與子分離飢寒莫食獨立哀悲

剝 舜升大禹石夷之野徵詣王闕拜治水土

履 義不勝情以欲自營見利危寵滅君令名

泰 三人北行六位光明道逢淑女與我驥子

否 羿張鳥號設射天狼柱國雄勇關死荼陽

同人 季姬踟躕結矜待時終日至暮百兩不來

大有 鴻雁翩翩始若勞苦災度病民鰥寡愁憂

謙 穿宵狗邦僵離旁春天地易紀日月更始

豫 北山有棗使叔壽考東嶺多粟宜行賈市陸梁雌雄所至利喜

隨 千旄旌旗執職在郊雖有寶珠無路致之

蠱 精潔淵塞為言證訊詰請繫於枳溫甘棠聽斷怡然蒙恩

臨 阮黃虺墮行者勞罷役夫憔悴踰時不歸

觀 膚敏之德發憤忘食虜豹禽說為王求福以成主德禽又

噬 米唐沫鄉要我桑中失信不會憂思約帶

賁 伯甯子福惠我邦國蠲除苛殘使季無患

剝 讒父佞雄賊亂邦國生離忠孝敗困不福

復 淵泉隄防水道通利順注湖海邦國富有

姤 江南多蝮螫我手足寃繁詰屈痛徹心腹

畜 三人俱行別離獨宿一身五心反覆迷惑亂無所得

頤 鷺鳴庭中以戒災凶重門擊柝備不速客

大過 功成事就拱手安居立德有言坐飭責賦

坎 國亂不安兵革為患掠我妻子家中飢寒

離 戴堯扶禹從喬彭祖西遇王母道路夷易無敢難者

咸 長尾委蛇畫地成河深不可涉絕無以北惆然噴思

恒 乘龍從蛻徵詣北闕乃見宣室拜守東城鎮慰黎元學家蒙福

遯 土與山連終身無患天地高明萬歲長安

暌 久旱水涸枯槁無澤虛修其德未有所獲

晉 依山倚地凶危不至上清下降君受其利

夷明 火烈不去必殪僵仆燔我衣裾福不可悔

漢魏叢書

家 配合相迎利之四鄉欣喜與懌所言得當

睽 清人高子久屯外野道遙不歸思我慈母

蹇 武庫軍府甲兵所聚非里邑居不可舍止

解 王德五林和合四時陰陽順序國無咎災

損 解衣毛羽飛入大都晨門戒守鄭忽失家

益 削根燒株不生肌膚病在心腹日以焦枯

夬 文山紫芝雍梁朱草生長和氣福祿來處

姤 多載重負捐弃于野小任其大但自勞苦

萃 鳧雁啞啞以水為家雌雄相和心志娛樂得其歡欲

升 耳目盲聾所言不通仁立以泣事無成功

困 天宮列宿五神所舍宮闕堅固君安其居

井 范子妙材戮辱傷膚然後相國封為應侯

革 秋冬探巢不得鵲鷦銜指北去慙我少夫

鼎 子畏於匡厄困陳蔡德行不危竟脫厄害

震 鴻飛在陸公出不復仲氏任只伯氏客宿

艮 鶴鳴九臯避世隱居抱朴守貞竟不相隨

漸 舜升大禹石夷之野徵詰王闕拜治水土

漸之中乎 與蒙之坤 下四句同

豐 崔嵬北岳天神貴客衣冠不已蒙被恩德

旅 空槽注猪狷豕不到張弓視雞雄鳩飛去

巽 胡鬢戎狄大陰所積涸水凍寒君子不存

允 甘露醴泉太平機關仁德感應歲樂民安

渙 惡來呼伯煩驚外客中守閑宅以備凶黠臨折之憂雖滅無災

節 日月相望光明感昌三聖茂功仁德大隆

狝 葛藟蒙棘花不得實讒佞亂政使恩壅塞

過 鄰不我顧而望玉女身多癩疾誰肯嬾者

漸 精誠所在神為之輔德教尚中彌世長久三聖與為多受福祉

蹇 鑽木取火掘地索泉主母飢渴子為心福

比 比之第八

比 鹿得美草嗚呼其友九族和睦不憂飢乏

坤 繼祖復宗追用成康光照萬國享世久長

屯 麟子鳳鷦生長嘉國和氣所居康樂無憂邦多哲人

蒙 灼灼泉源釣鯉山巔魚不可得火不肯燃

需 彭生為妖白虎行盜堯衣裳染跖荷兵青禽照夜三日夷傷

訟 黍稷醇醴敬奉山宗神嗜飲酒甘雨嘉降黎庶蕃殖獨蒙福祉時災不至

李花再實鴻卵降集仁哲權輿陰國受福 小畜之離 孫之小過

師 千歲之墟大兵所屠不見子都城空無家
 公子王孫把彈攝丸發輒有得家室饒足
 履 驪姬讒嬉與二嬖謀譖殺公子賊害忠孝申生以縊重耳奔走
 秦 長生無極子孫千億栢柱戴梁堅固不傾
 否 大意懷憂如幽狂年亡子喪夫附托寄居
 同 仁智隱伏麟不可得龍蛇潛藏虛居室室
 歛 列潔埋埋締結難解嫫母銜嫁媒不得坐自為身禍
 謙 鳥飛墜水不毀頭足保我羽翼復歸其室
 豫 陳媯敬仲兆興齊姜乃適營止八世大昌姑之師也
 隨 過時不歸雌雄苦悲徘徊外國與母分離
 盡 齊魯爭言戰於龍門構怨連禍三世不甯坤之離同
 臨 府藏之富王以賑貸捕魚河海苟網多得損之睽同
 觀 鳴鶴北飛下就稻池鱣鮪鯉眾多饒有一筭獲兩利得過倍
 噬 蒼梧鬱林道易利通无龜象齒寶貝南金為吾歸功
 賁 兩火爭明雖鬪不傷分離且忍全我弟兄
 剝 伯夷叔齊負廉之師以德防患憂禍不存泰之
 復 季去我東髮櫛如蓬展轉空牀內懷憂傷一作
 既 百足俱行相輔為強三聖異事王室寵光

馱 擁遏隄防水不得行火盛陽光陰蛻伏藏退還其鄉
 頤 騰蛇乘龍歲飢蓬蓬年歲飢凶民食草蓬
 馱 鉛刀攻玉堅不可得盡我筋力眠繭為疾神之
 坎 恒山浦泛高邑具在陰氣不淋洪水弗處牢人開戶
 離 比目四翼來安我國福善上堂與我同牀頤之隨同
 咸 杜口結舌心中怫鬱去留患生莫所告究否之巽
 恒 牽尾不前逆理失臣惠朔以奔
 遯 早霜晚雪傷害禾麥捐功棄力飢無所食需之
 暌 適戍失期患生無聊懼以發憂開藏閉塞邦國窮愁
 晉 昊天白日照臨我國萬民康樂咸賴嘉福
 明 元吉无咎安寧不殆
 家 懿公淺愚不深受諫無援失國為狄所賊
 睽 城上有鳥自號破家呼喚鳩毒為國患災
 蹇 長股喜走起步千里王良嘉善伯樂在道申生見母下有由子
 解 耕石山巔費種家貧無聊虛作苗髮不生
 損 二人異路東趨西步千里之行不相知處
 益 純服素裳載主以興德義茂生天下歸仁
 夬 玉銳鐵頭倉庫空虛賈市為盈與利為仇

姤 登崑崙入天門過糟正宿玉泉開惠觀見仁君

萃 團團白日為月所食損上毀下鄭昭走出

升 倉盈庾億宜稼黍稷年豐歲熟國家富有乾之師 坤之恒

困 虎狼結謀相聚為保思嚼牛羊道絕不通傷我商人

井 中年摧折常恐不活老賴福慶光榮相輔

革 同載共車中道分去喪我元夫獨與孤苦隨之

鼎 飲酒醉醜距跳爭鬪伯傷叔僵東家治喪

震 出值凶災逢五赤頭跳言無祐杖杖伏聽不敢動搖

艮 狼虎爭強禮義不行兼吞其國齊魯無王小臨

漸 南國少子才畧美好求我長女賤薄不與反得醜惡後乃大海奉之

艸 一身兩頭莫通其軀無見我心亂不可治

豐 李耳橐鵲更逢恐惜擾余以腹不能舉格

旅 栢桂棟梁相輔為強入敷五教王室寧康

巽 雀行求食暮歸呼乳反其屋室安寧如故

兌 四尾六頭為凶作妖陰不奉陽上失其明

渙 一旅三關結緝不便岐道異路日暮不到

節 牙孽生齒室堂啓戶幽人利貞鼓翼起舞

坤 春鴻飛東以馬貨金利得十倍重載歸鄉

過 歡悅以喜子孫俱在守強能忍不見殃咎

既 精神消落形骸醜惡齟齬頡頏枯槁腐蠹

淋 登高上山見王自言申理我竟得職蒙恩

小畜之第九

剝 白鳥銜餌嗚呼其子旋枝張翅來從其母伯仲季叔元賀舉手

乾 東遇虎蛇牛馬奔驚道絕不通商困無功

坤 子鉏獲麟庶士開元英雄爭名都邑倍遊

屯 灼火泉源釣魚山巔魚不可得火不肯燃比之

蒙 機關不便不能出言精誠不通為人所究

需 故室舊廬稍蔽綬組不如新巢可以樂居

訟 蝼蛇循流東求大魚預且舉網庖人歌謳

師 鑿山通道南至嘉國周公所祝襄適荆楚

比 鵲足却縮不見頭周名久困急不能自復

履 五舌啄難各自有言異國殊俗使心迷惑所求不得

泰 天門開闢牢戶寥廓桎梏解脫拘困縱釋

否 堅冰黃鳥啼哀悲愁數驚鷺鷥飄為我憂

同人 日走月步趣不同舍夫妻反目主君失居

大有 金牙鐵齒西王母子無有患殃候舍陟道別來不久

美鬼書

焦氏易林

十一

謙 式微式微憂禍相絆隔以岩山室家分散
 豫 眾神集聚相與議語南國虐亂百姓勞苦興師征伐別立賢主
 隨 虎狼爭食禮讓不能兼吞其國齊晉無主比之
 臨 寄生無根如過浮雲本立不固斯須落去更為枯樹
 觀 子啼索哺母行取食反見空巢誓我長息
 觀 駕駟逐狐輪掛荆棘車不結轍公子無得
 貴 方啄廣口仁智聖厚釋解倒懸唐國大安
 剝 駕福乘喜東至嘉國戴慶南行移居安宅
 復 孔鯉伯魚北至高奴木馬金車駕遊大都王母送我駉牝特駒
 三足無頭不知所之心狂精傷莫使為明不見日光
 歆 駉牝龍身日越三千南上蒼梧與福為婚道里夷易安全無患
 願 辰次降婁王駕巡狩廣佑施惠國安無憂望季不來
 歆 望車不到王子逐走馬騎啣傷失迹不得曷其有常
 坎 中原有菽以待饗食飲御諸友所求大得
 離 亂茅縮酒靈巫拜禱神怒不許瘁傷愁苦
 咸 李華再寶鴻卵降集仁哲以興陰國受福比之訟豫
 恒 原出陵足行於山趾不為暴害民得安居
 客入其門奔走東西童女不織士棄耕畝暴骨千里歲飢民苦

遯 天之所子福祿常在不憂危殆
 壯 蝗食我稻驅不可去實穗無有但見空稿
 晉 牛驥同堂郭氏以亡國破空虛君奔走逃
 明 狗無前足陰謀其比為身賊害何以安息
 家 兩輪自轉南上大阪四馬其轅無有重難與禹笑言
 睽 茅藥生達陽昌於外左手執籥公言錫爵
 蹇 秋花冬萼數被嚴霜甲兵當庭萬物不生雄火夜明民擾大驚
 解 霜降閉戶蟄蟲隱處不見日月與死為伍坤之
 損 身載百里功加四海為文開基武立天柱
 益 禹作神鼎伯益銜指斧斤高閣幢立獨坐膏賈不售雙言因為害
 夬 福祚之聚喜至憂除如魚逢水長樂受庇
 姤 蒼龍隱伏麟鳳遠匿寇賊同處未得安息
 萃 白鶴啣珠夜食待明懷胡德音身受光榮
 升 朝生夕死名曰嬰鬼不可得祀
 困 行役未已新事復起姬姜勞苦不得安息
 井 憂患解除喜至慶來坐立懼忻與樂為隣蒙之
 革 晨風天翰大舉就温味過我邑拜無所得
 鼎 下田種黍芳花當齒大雨淋集紛榮滿壑林集一作集林

震

鳥庇茂林君子碌碌心樂願得見者有穀

艮

折臂踣足不能進酒祠祀閭曠神怒不喜

漸

學靈三年仁聖且神明見善祥吉喜福慶鳴鳩飛來告我無憂一作鹿鳴鴻飛鳴見善祥

艸

三婦同夫志不相思心懷不平至常愁悲

豐

中田高黍以享王母受福于億所求大得

旅

陽火不憂二耕喜至慶來降福為我鼓瑟歌謠送喜

允

陽明不息君無恩德伯氏失利民喪其力

巽

燕雀銜茅以生孚乳兄弟六人交好孝悌各得其願和悅相樂

渙

鴉尾奔奔火中成軍號叔出奔下失其君

節

兩人相距止不同舍夫妻離散衛侯失居

坤

魃為蓄虐風吹雲却欲止不得反歸其宅

過

關雎淑女配我君子少姜在門君子嘉喜

蹇

慈母赤子饗賜得士夷狄服降以安王室

蹇

三足狐鳴靈鳴督卸思過罰惡自賊其家

履

履之第十

乾

十鳥俱飛拜射九雌雄得獨全雖驚不危

坤

東向蕃垣相與笑言子般執鞭樂人作歡

坤

循河榜舟旁准東遊漁父舉網先得大魚

屯

輶折輪破馬倚僕卧後旅失宿右足跌踣

蒙

兩人相伴相與恃戾心乖不同訟爭凶凶

需

北辰紫宮衣冠在中舍和建德常受天福需之夬坤之觀

訟

遊居石門祿祉安全受福西隣歸飲玉泉需之既濟

師

羊腸九縈相推併前止須王孫乃能上天

比

爭訟相倍和氣不處陰陽俱否穀風母子

剝

郭叔矩頤為棘所拘童顏重穎禍不成殃復歸其鄉

泰

蠶室蜂戶螫我手足不得進止為吾害咎毗之夷

同人

怒非其願因物有遺貪妬腐鼠而呼鴉鳶自合失餌倒被因患

大有

嬰孩求乳母歸其子黃虜悅喜

謙

鉞鏐徒勞錦綉不成鷹逐雉兔爪折不得

豫

雨潦集降河渠不通齊魯閉塞破費市空

隨

封豕溝瀆水潦空谷客止宿舍泥塗至腹處無黍稷

蠱

三姦相擾桀跖為友上下騷離隔絕天道

臨

齊景惑疑為孺子牛嫡庶不明賊黨為患

觀

三羊俱亡奔走南行會暮失跡不知其藏

噬

請伯行賈岱山之野犯厯險阻不逢危殆利如澆酒

噬

桑方將落頌其黃葉失勢傾側而無所立

賁 上山求魚入水捕兔市非其歸自今久留

剝 名成德就項領不試景公耆老尼父逝去之

復 天之奧隅堯舜所居可以存身保我邦國

既 涉伯殉名棄禮誅身成子奔燕一作

畎 兩人俱爭莫能有定心乖不同訟言起凶

順 睢鳩淑女聖賢配耦宜家受福吉善長久一作之

遇 踰河求播井得大栗烹羊食炙飯酒歌笑

坎 山險難行礮中多石車馳頻擊重載折軸擔負喜躑踖踣右足之

離 允利孔福神所子畜般樂無苦得其歡欲

咸 鳥鵲食谷張口受哺蒙被恩福長大成就柔順利貞君臣合德

恒 潼滄蔚會膚寸來會津液下降流潦滂沛

遯 路多枳棘步刺我足不利旅客為心作毒損卦

壯 虺蛇求聚難以居處毒螫痛甚瘡不可愈

晉 麟鳳相隨察觀安危東國聖人右稷周公君子攸同利以居止長無災凶

家人 桀亂不時使民恨憂六社為笑君危臣羞

睽 黃帝所生伏羲之守兵及不至利以居止乾之

蹇 雀行求粒暮歸呼乳反其室舍安寧如故巽之

蹇 太倉積谷天下饒食陰陽調和年歲時熟

解 干旄旗旌執幟在郊雖有寶珠無路致之師之隨豫之中乎

損 履危蹈顛墜入泉淵蹇不能前足矮不便

益 銜命上車合和兩家蛾眉皓齒二國不殆

夬 吉日車攻田弋獲禽宣王飲酒以告家功

姤 金帛貴寶宜與我市嫁取有恩得利過倍

萃 延頸望酒不入我口深以自喜利得無有益之

升 牧為代守饗養甘賜得利士意戰大破胡長安國家

困 日出温谷照臨萬國高明淑人虞夏配合

井 逐兔索鳥破我弓車日暮不及失利後時

革 謠言妄語傳相誑誤道左失迹不知戶處

鼎 履虎躡尾貶損我威君子失否去其國家

震 本根不固新花落去更為孤嫗不得相視

艮 五軌四國優得饒有陳力就列騶虞悅喜

漸 黃帝紫雲聖哲且神光明見祥告我無殃

蠱 五利四福俱田高邑黍稷盛茂多獲營稻

豐 羣虎入邑求索肉食大人衛守君不失國

旅 鳥子鵲雛常與母居願慕羣旅不育其巢

巽 蹇驢不材駮驥失時筋勞力盡疲於沙止

允 玄鬢黑顏東歸高鄉朱鳥導引靈龜載壯遂抵天門見我貞君人馬安全

渙 探巢得雛鳩俱來使我欣娛

節 安上宜官一日九遷升擢超等收養常由

坤 大頭明目載受嘉福三雀飛來與祿相得

過 遠視千里不見墨子離婁明視移於小人一作離婁之明无益為光

灑 三女成姦背夫夜行與伯笑言不忍主母為失醴酒冤天誰告

日辰不良強弱相振一鳥兩雄客勝主人

泰之第十一

泰 有求陳國留連東域須我王孫日月來復主君有德蒙恩受福

乾 伯夷叔齊自廉之師以德防患憂禍不存此之

坤 濟深難渡濡我衣袴五子善擢脫無他故他字一作他

屯 倚立相望適我道通驅駕奔馳比目同床

蒙 葛藟蒙棘華不得實讒佞為政使恩壅塞師之中

需 四並兼用君子所服南征述職與福同德

訟 蹀踵足傷大指病癱失旅後時利走不來旅下旅失蒙之旅

師 春城夏國長生之域可以服食保全家國

比 望驥不來拘蹇為憂雨驚我心風感我飢

剝 久客無牀思歸我卿雷雨浸盜道不得通

履 方船備水傍河燃火積善有徵終身無禍天福吉昌永得安康

否 陟岵望母役事不已王政靡盬不得相保

同人 多載負重積棄於野王母離子思勞自苦師之始

飲 生值地乳上皇大喜賜我福祉壽算無極賓子作命

謙 翕翕翰翰墜墜崩顛滅我令名長沒不存否之離

豫 東隣嫁女為王妃后莊公築館以尊王母歸于京師季姜喜悅

隨 伯虎仲熊德義淵闊使布五教陰陽順序坤之姤益之屯

蠱 敏教勁疾如猿升木彤弓雖調終不能獲

臨 舉袂覆目不見日月衣裘簟席就長夜室坤之隨

觀 忍醜少羞無面有頭耗減寡虛日以削消

噬 固陰返寒常冰不温令人墮忘危火為災電火為蕃

賁 夏麥楚麩霜擊其芒疾君敗國使我天傷

剝 淵涸龍憂箕子為奴干叔隕命殷破其家

復 跛踣相隨日暮牛罷陵遲後旅失利亡雌

姤 桑方將落隕其黃葉失勢傾倒如無所立

畜 長生以時長柱根本陰陽相和歲樂無憂

頤 童女無室未有配合陰陽不和多坐獨宿

過 春令原有仁德不周三聖攸同周國茂興

坎 金精耀怒帶劍過午兩虎相妬雖驚不咎
 離 危坐至暮謀求不得膏澤不降政戾民忒
 咸 老楊日衰條多枯枝爵級不進日下推頽蒙之
 恒 蔡侯適楚留連江湖踰日歷月思其后君
 遯 右撫劍風左援勾帶凶訟不止相與爭戾失利市肆
 壯 水流趨下遠至東海求我所有買鮪得鯉訟之
 晉 登几上輿駕駟南遊合縱散衝燕秦治強
 夷 求兔得獐過其所望歡以相迎高位夷傷以又
 家 過時不歸道遠且迷旅人心悲使我徘徊
 睽 冤孤無室御宿舍食盜張民潰見敵失內
 蹇 居如轉九危不得安東西不寧動生憂患
 解 坤厚地載庶物蓄息平康正直以綏百福
 損 冽敞壯荆生賢止侮讐敵背憎孰肯相迎上下有音
 益 鳳凰銜書玄珪賜我封為晉侯
 夬 作凶不善相牽入升溺陷辜罪禍生憂滋
 姤 悲鳴北行失其長兄伯仲不幸骸骨敗亡
 萃 羔衣豹裘高易我宇君子維新
 升 日中為市各抱所有交易貨貨含珠懷寶心悅歡喜

困 振急絕理恒陽不雨物病焦乾華實無有
 井 狐貉載剝凌温翠葦寒棘為疾何所不足
 革 履踐危難脫執去患入福喜門見誨大君
 鼎 四亂不安東西為患退止我足無出國城乃得全完賴其生福
 震 南國少子材畧美好求我長女賤薄不與反得醜惡後乃大悔比之
 艮 妄怒失理陽孤無輔物病焦枯年飢於黍
 漸 倬然遠咎辟言早阜田獲三狐巨貝為寶
 歸 逐鹿山巔利去我西雖祈南北無所不得
 豐 龍蛇所聚大水來處滑滑沛沛使我無賴
 旅 從風吹火牽麒麟尾易為之功因權受福
 巽 澤狗水鳥難畜少離不為家饒心其亟通
 兌 水壞我里東流為海龜鳥驪駕不見慈母
 渙 褰衣涉水深漬請罷賴幸舟者濟脫無他訟之
 節 龜戢河海陸行不止自令枯槁失其都市憂害無咎
 中 同本異業樂仁正德東隣慕義來興我國
 小 桃李花實疊疊日息長大成熟甘美可食為我利福
 漸 重瞳四孔聰明順理無隱不形微視千里災害不作君子集聚
 渙 實沉參墟以義討尤次止結盟以成霸功
 沫

否之第十二

否 秦為狼虎與晉爭強并吞其國號曰始皇
 乾 江河淮濟天之奧府眾利所聚可以饒有樂我君子謙之
 坤 天之所災凶不可居轉徙獲福留止憂危
 屯 名成德就項領不試景公耄老尼父逝去離之
 蒙 持善避惡福祿常存雖有豺虎不能危患
 需 避患東西反入禍門糠糟不足憂動我心未濟
 訟 珪璧琮璋執贄見王百里寧戚應聘齊秦需之
 師 揚水潛鑿使石潔白衣素表朱戲遊臯汰得君所願心志娛樂
 比 官爵相保居之無咎求免不得使伯恨悔
 剝 載車無禪裸裎出門小兒作笑君子憂患
 履 把珠入口為我利寶得吾所有欣然嘉喜
 泰 行不如止直不可曲進不如退可以安吉
 同人 眾鬼互聚中有大怪九身無頭冤驚冤去不可以居
 有 家給人足頌聲並作四夷賓服干戈虞閣
 謙 人面鬼口長舌如斧斷破瑚璉殷商絕祀
 豫 南山之峻真人所在德配唐虞天命為子保佑飲享身受大慶
 隨 春桃生花季女宜家受福多年男為邦君師之

蠱 蝮鴉破斧冲入危殆賴其忠德轉禍為福傾危復立
 臨 猿墮高木不踣手足保我金玉還歸其室訟之艮益之
 觀 天之奧隅堯舜所居可以存身保我邦家復之
 噬 伯襄叔育足痛難行終日至暮不離其鄉
 賁 日月相望光明盛昌三聖成功仁德大隆師之節
 剝 桃李花實纍纍日息長太成就甘美可食為我利福泰之
 復 入和出明動作有光運轉休息所為允康
 姤 陰衰老極陽建其德履離載光天下照明功業不長蝦蟆代王大有之
 頤 行役未已新事復起姬姜勞苦不得休止
 夬 孤鳴室北飢無所食困於空立莫與同力
 蹇 雄聖伏名人匿麟遠走鳳飛北擾亂未息
 坎 疾貧望幸使伯行販開牢擇羊多得大祥訟之
 離 翁翁鞫鞫隕墜崩顛滅其令名長沒不存噬之
 咸 華蓮實掌衣敝如絡女巧不成縵布為玉
 恒 温山松栢常茂不落鸞鳳所庇得其歡樂需之
 遯 失特母教嘉偶出走僮如失老如喪家狗
 壯 太乙駕騶從天上來徵我季叔封為魯侯屯之
 晉 雙鳧俱飛欲歸稻池徑涉蓬澤為矢所射傷我胸臆屯之

焦氏易林

明 深坑復平天下安寧意娛心樂賴福長生
 家 俱為天民雲過吾西風伯疾雨與我無恩
 睽 野鳥山鵲來集六博三鳥四散主人勝客
 蹇 北陰司寒堅冰不温凌人愴息大電為災
 解 伊伯致仕去築耕野執順以待反和無咎
 損 秋風牽手相提笑語伯歌季舞燕樂以喜
 益 徙巢去豕南過自馬東西受福與母相得
 夬 鳥飛跌跛兩相和不病四肢俱去莫疑
 姤 三年生狗以戌為母荆夷上侵姬伯出走
 萃 破筐敝邑弃捐於道壞落穿敗不復所實
 升 結紉得解憂不為禍食利僂家受福安坐
 困 白日揚光雷車避藏雲雨不行各自還鄉
 井 杜口結舌心中怫鬱去災生患無所告冤
 革 賁目贖狸不聽我辭繫指虎鬚牽不得來
 鼎 持鶴抱子見蛇何咎室家俱在不失其所
 震 逐兔出西利走入門賴我仁德獲為我福
 艮 興役不休與民爭時牛生五趾行危為憂
 漸 春粟夏梨山鮮希有斗十石萬貴不可求

歸 悲號北行失其長兄伯仲不幸骸骨敗亡
 豐 賦斂重數政為民賊杆軸空盡家去其室
 旅 履服自敵殃咎並到憂不能笑
 巽 杜口結舌言為禍母代伯受患無所禱免
 兌 免冠進賢步出朝門儀體不正賊孽為患
 渙 娶於姜女駕迎新婦少妻在門之子悅喜
 節 收羊稻園聞虎喧譁畏恐悚息終無禍患
 夬 老妾踞機緯絕不知女功不成冬寒無衣
 夬 黑龍吐光使陰復陽榮獵載聖六師以昌
 觀 東隣嫁女為王妃后莊公築館以監主母歸於京師姬姜悅喜
 觀 灌頤同徒道頤跌踣日辰不良病為身禍
 同人 同人之第十三
 乾 察冥山巔銷鋒鑄刃示不復用天下大歡
 坤 一臂六手不使堵口莫肯為用利弃我走
 坤 樟鹿逐木飽歸其居安息無悔
 屯 鴻魚逆流主人潛處蓬蒿代柱天屋顛倒
 蒙 三殺五祥相隨俱行迷入空澤經涉衣駭為賊所傷
 需 黃帝出遊駕龍乘馬乘上太山南過齊魯邦國咸喜

漢魏叢書

焦氏易林

三五

訟 履危不安心欲東西步走逐鹿空先所得
 師 望尚阿衡太宰周公藩屏湯武立為侯王
 比 白龍黑虎起伏俱怒戰於阪兆虫尤走敗死於曾首蒙之收益之比同
 剝 載石上山步跌不前顯眉之憂不得所歡
 履 周德既成行軸不傾中西跌墓老哀去箴石不祐
 泰 乘雨帶雲與飛鳥俱舉動千里見我慈母舉勳一云勳止
 否 賁目贖狸不聽我辭擊於虎鬚牽不得來
 畜 三翼飛來字我逢時俱行先至多得大利
 謙 兩足四翼飛入我國靈我伯姊與母相得
 豫 紫民湖池玉孟天按魚如白雲一國獲鯉
 隨 季姬踟躕望還城隅終日至暮不見齊侯居室無憂
 蠱 龍隔求泉置雲影從河伯捧觴跪進酒漿流潦滂滂
 臨 出門逢患與怒為怨更相擊刺傷我手端
 觀 播衣樂天乾坤所命安樂無咎
 噬 兩金相擊勇武敢敵終日大戰不破不缺
 賁 大車難駕兩引如繩馬奔山後輪脫不行中道遇害
 剝 文山紫芝雍梁朱草長生和氣與以為寶公戶侑食神福來處
 復 把珠入口為我畜寶得吾所有欣然嘉喜

甄 負車上山力盡行難烈風雨雪遮過我前中道復還憂者得歡
 畜 陶朱白圭善賈息資三致千金德施上仁
 頤 子鈕執麟春秋作陰元聖將終尼父悲心
 過 春日載陽福履齊長四時不忒與樂為昌
 坎 孔懷如玉出於幽谷飛上喬木鼓其羽翼耀光照目坤之比
 離 區脫康居慕仁入朝湛露之歡三爵畢思復歸穹廬以安其居
 咸 秋冬夜行照覽星辰道理通終身無患
 恒 如鵠抱子見蛇何咎室家俱在不失其所
 遯 安如泰山福壽縷雖有豺虎不能危身
 壯 耆蒙睡眠不知東西歲君失理命直為曲玉稱為寶
 晉 載璧乘珪請命於河周公克敏冲人瘳瘳
 明 天王執政歲熟民富國家豐有王者有喜
 家人 訟爭相背和氣不處陰陽俱否穀風母子
 睽 齊魯爭言戰於龍門構怨結禍三世不安比之離
 蹇 鹿得美草嗚呼其友九族和睦不離邦域
 解 百里難行雖微復明去虞適秦為穆國卿
 損 梅李冬實國多寇賊亂擾並作王不能制比之
 益 府藏之富王以賑貸捕魚河海笥網多得巨蛇大鱷戰於國郊君逐走逃比之臨

漢魏叢書

焦氏易林

二四

夬	社飛門啓憂患大解不為身禍 <small>需之</small>
姤	宜昌嫁婦東家歌舞長樂歡喜
萃	正陽之央申氏以亡禍及留吁烟滅為墟
升	鳧過稻廬甘樂麴醕雖驅不走田畯懷憂
困	跛踦俱行日暮車傷失旅之糧
井	龍門小完流行不害民安其土君臣相保
革	山陵西塞逼我徑路欲前不得俱還故處
鼎	兩虎爭鬪血流浮杵城郭空虛高黎塞道
震	依叔墻隅志下心勞楚亭晨食韓子低頭
艮	龍生無常或托空桑憑乘風雲為堯立功
漸	魁行搖尾逐雲吹火汗泥為陸下田為稷
歸	跛踦相隨日暮牛罷陵遲後旅失利亡雌
豐	二人俱行北求大祥長子病足請李方員囊柳下之責不失驪黃
旅	鳳凰在左麒麟在右仁聖相遇伊呂集聚傷害不至時無殃咎福為我母 <small>訟之</small>
巽	乘筏渡河雖深不殆曾孫皇祖累累俱在受其大福
兌	比目四翼來安吾國膏福上堂與我同床 <small>比之離</small>
渙	娶於姜女駕迎新婦少妻在門夫子悅喜 <small>渙之</small>
節	螟蟲為賊害我稼穡冬禾殫麥秋無所得

夬	衣裳顛倒為王來呼成就東周邦國大休
夬	王孫季子相與為友明允篤誠升擢薦舉
夬	涌泉滑滑流行不絕汙為江海敗毀邑里家無所處聞虎不悖向我笑喜
夬	桑鵲竊脂啄粟不宜亂政無常使我孔明
大有之第十四	
乾	白虎張牙征伐東華朱鳥前驅替道悅辭敵人請服銜壁而趨
乾	南山大行困於空桑老沙為石牛馬無食
坤	蟠枝失岐與母別離絕不相知
屯	蹲踞所言莫如我垣懼樂堅固可以長安 <small>屯之</small>
蒙	李梅零墜心思精憤懷憂小愧亂我冤氣
需	火雖熾在吾後寇雖多在吾右身安吉不危殆
訟	虎卧山隅鹿過後胸弓矢復張獨為功曹伏不敢起遂至洋野得我美草
師	三火起明兩滅其光高位疾顛驕恣深傷
比	疋居楚鳥遇讒無辜久散離憂 <small>散一作旅</small>
畜小	一室十子同心異母以義防患禍災不起
履	商人行旅資無所有貪貝利珠留連王市還家內顧公子何咎
泰	禹將為君北入崑崙稍進陽光登入溫湯功德昭明
否	乾行大德履疇無極嘔呼享孰使各自得

同 南國茂威黍稷醴酒可以享老樂我嘉友
 謙 方船備水旁河然火終身无禍天與吉昌永得安康履泰之
 豫 雷行相逐無有休息戰於平陸為夷所覆
 隨 蹶躅蹶撫心搔頭五晝四夜暗我齊侯
 蠱 大口宣唇神使伸言黃龍景星出應德明與福上堂天下安昌需之
 臨 陰哀老極陽建其德履離載光天下昭明否之無妄
 觀 三塗五岳陽城大室神明所伏獨無兵革下有保國
 噬 年豐歲熟仁政民樂利以居止旅人獲福
 賁 楚鳥逢矢不可久放離居無辜作此哀詩以告孔憂
 剝 出門大步與凡惡忤言公言母為我憂趾
 復 火之井谷揚芒生角犯歷天市闕觀太極登上王牀家易六公
 妄 牧羊逢狼雖憂不傷畏怖惕息終無禍殃
 畜 藪粟犧牲故事鬼神嗜飲食受福多孫望季不來孔聖厄陳乾之
 頤 大澤治牧南敗牧牂長伯為我多得馬牛利於徙居
 過 枯樹無枝與子分離飢寒莫養獨立哀悲
 坎 天地九重堯舜治中正冠衣裳宇宙平康
 離 鳥鷺遊溼君子以甯復德不愆福祿來成
 咸 裸裎逐狐為人所笑牝雞司晨主作亂根

恒 典冊法言藏在蘭臺雖遭禍潰獨不遇災大過坤
 遯 三癡且狂欲之平鄉迷惑失道不知昏明
 壯 癭瘤瘍疹為身瘡患疾病癰疔常不危殆
 晉 三豕俱走關於谷口白豕不勝死於坂下
 夷 賴主之光受德之佑雖造顛沛獨不凶咎
 家 上義崇德以建大福吉宜誥且周武功立
 睽 四亂不安東西為恨身止無功不出國城乃得完全賴其生福
 蹇 金牙鐵齒西王母子無有患殆涉道大利小畜之
 解 賀喜從福日利蕃息歡樂有得
 損 昊天白日照臨我國民康寧成賴受福
 益 左眇右盲視闇不明下民多孽君失其常
 夬 吾有黍稷委積道傍有架服箱運到我鄉藏於嘉倉
 姤 殊類異路心不相慕牝豕無瑕鰥居室家
 萃 雀行求食出門見鷓鴣蹶上下幾無所處
 升 野有積廩穡人駕取不逢狼虎暮歸其宇
 困 膚敏之德發憤忘食膚豹禽說為王求福師之
 井 光禮春成陳項雞鳴陽明失道不能自守消亡為咎
 革 左抱金玉右得熊足常盈不亡獲心所欲

鼎 履泥汗足名困身辱兩仇相得身其為虐
 震 安居重遷不去其屢禾米相聞樂得常產
 艮 天災所遊凶不可居轉徙獲福留上憂危
 漸 昧昧默默不知白日景雲亂擾光明隱伏幽王失國
 歸 鳧雁啞啞以水為宅雌雄相和常共娛樂得其所欲
 豐 長生無極子孫千億栢柱載梁堅固不傾
 旅 麒麟鳳凰善政得祥陰陽和調國無災殃
 巽 天之奧隅堯舜所居可以存身保我家室
 兌 配合相迎利之四鄉昏以為期與福喜笑
 渙 砥德礪材果當成周拜受大命封為齊侯
 節 與福俱生蓄水備火終無災禍
 坤 晨昏潛處候時煦煦卒逢白日為世榮主
 遯 視日再光與天相望長生懼悅與福為兄
 觀 大頭明目再受喜福二雀飛來與祿相觸
 漸 梗生荆山命屬輸班袍衣剝脫夏熱冬寒立成枯槁眾人莫憐
 謙 謙之第十五
 王喬無病狗頭不痛亡跛失履之我送從
 謙 嘽嘽嚶嚶味莫相持多言少實語無成事

坤 北辰紫宮衣冠立中舍和達德常受大福鈔刀攻玉堅不可得
 屯 東壁餘光數暗不明主母嫉妬亂我事業
 蒙 下背其上資明其讓子嬰兩頭陳破其墟
 需 鳳生會稽稍巨能飛翔桂林為眾鳥雄
 訟 鑿井求玉非和氏寶名困身辱勞無所得一作
 師 却傑載復送至東萊百僚具舉君王嘉喜一作
 比 安息康居異國穹廬非吾邦域使伯憂戚
 畜 江河淮海天之都市商人受福國家富有
 履 同才異業樂仁上德東林慕義來興吾國
 泰 白鶴銜珠夜室反明懷我德音身受光榮
 否 踐履危難脫厄去患入臨喜門見吾母君
 同人 宮商既和聲音相隨驪駒在門主君以歡
 大有 天地配享六位光明陰陽順序以成厥功
 豫 江河淮海天之奧府眾利所聚可以饒有樂我君子坤之
 隨 雙鳥並飛欲歸稻池徑涉蓬澤為矢所射傷我胸臆比之晉
 蠱 伯仲叔季日暮寢寐裸卧失明喪我貝囊銜却道傍
 臨 受終文祖承哀復起以義自閑雖苦無咎
 觀 旋斗運樞順天無憂與樂並俱益之

巽	季姜躑躅待孟城隅終日且不見齊侯
兌	邯鄲反言父兄生患涉此憂恨卒死不還
渙	逐鹿山巔利去我西維邪南北所求不得
節	穿鼻繫珠為虎所拘王母祝福禍不成災突然自來
夬	虎豹熊皮遊戲山谷君子仁賢亦得所欲
過	梅李冬實國多盜賊擾亂並作王不得制
漸	望幸不到文車未就羊子逐兔大騎不得
豫	千柱百梁終不傾僵仁智輔聖周宗孟康
坤	豫之第十六
乾	水將泮散鳴雁雍雍丁男長女可以會同生有賢人
屯	龍馬上山絕無水泉喉焦唇乾口不能言
蒙	蔡侯朝楚留連江濱踰時歷月思其后君
需	文厄美里湯囚夏臺仁聖不害數困何憂免於縲紲為世明侯
訟	典冊法書藏閣蘭臺雖遭亂潰獨不遇災
師	羶裘羶國文禮不飭跨馬控弦伐我都邑
比	星隕如雨力弱無輔強陰制陽不得安土
	蝗蝻我稻驅不我去實穗無有但見空葉
	虎飢欲食為蝟所伏禹導龍門避咎除患元醜以安

剝	蝙蝠夜藏不敢晝行酒為酸漿魴鳧鮑羹
履	精華墜落形體醜惡齟齬挫頤枯槁腐蠹
泰	兩足不獲難以速行疾步不能後倡失時
否	令妻壽母宜家無咎君子之歡得以長久
同人	飢蚕作室緡多亂纏緒不可得
秋	子鉏執麟春秋作陰元聖將終尼父悲心
謙	螟蟲為賊害我稼穡盡禾殫麥秋無所得
隨	憂在腹內山崩為疾禍起蕭牆竟制其國
蠱	茹芝餌黃飲食玉瑛神與流通長無憂凶
臨	一夫兩心拔刺不深所為無功求事不成
觀	十里望烟散渙四方形容滅亡終不見君
噬	張弓控弩經涉山道雖有伏虎誰敢害者
賁	泉閉澤竭主母飢渴君子困窮乃徐有說
剝	野猿山鵲奕棊六博三梟四散主人勝客
復	羊驚馬走上下揮樓鼓音不絕項公奔敗
姤	黃帝神明八字聖聰俱受大福天下平康
大	住馬馱酒疾風暴起泛亂福器飛揚位卑明神降佑道無害寇
頤	騰蛇乘龍宋鄭飢凶民食草蓬

莫鬼書 焦氏易林

三九

馱 揚水潛鑿使石潔白衣素表朱遊戲鼻澤得君所欲志娛樂

坎 西過虎廬驚我前驅雖憂無危

離 衣成無關不知所穿客指東西未得便安

咸 晨風文翰隨時就温雌雄相和不憂殆危

恒 心多悔恨出言為怪梟鳴室北聲醜可惡請謁不得

遯 離女去夫閔思苦憂齊子無良使我心悲

壯 過時不歸雌大苦悲徘徊外國與叔分離

晉 鵲巢柳樹鳩奪其處任力德薄天命不佑

家人 鶴盜我珠逃於東都鵠怒追求郭氏之墟不見踪跡使伯心憂

睽 夫婦相背和氣弗處陰陽俱否莊姜無子

蹇 月走日步趣不同舍妻夫反目主君失居

解 洛陽嫁女善逐人走三寡夫夫婦妬無子

損 周德既成杼軸不傾大率東西夏國康寧

益 日中為市交易資實名利所有心悅以喜

夬 童妾獨宿長女未室利無所得

姤 忠言輔成王政不傾公劉兆基文武綏之

萃 牛驥同堂郭氏以亡國破為墟王君奔走

萃 中原有救以待惟食飲御諸友所求大得

升 多虛少實語不可知尊空無酒飛言如雨

困 青蠅集蕃君信讒言害賢傷忠患生煩人

井 履株復與馬驚傷車步為我憂

革 商風召寇呼我兆盜問謀內應與我爭鬪彈已寶藏主人不勝

鼎 逸豫好遊不安其家或有少姬久迷不來

震 吾有驂騑畜之以時東家翁孺來詣我車價極可與後無賊悔

艮 厄窮上通與堯相逢登升大麓國無凶人

漸 象兎俱走雄罷在後騎不能進失信寡處

艸 旁行不遠三思復返心多畏患日中止舍

豐 倉皇奉使中山以孝文侯悅喜擊子徵召

旅 入天門守城戶君安樂不勞苦文山踴鵠肥腊多脂王孫獲願載福魏魏

巽 登塔上堂見吾父兄左酒右漿與福相迎

兌 秋蛇向穴不失其節夫人姜氏自齊復入

渙 忍醜少羞有面無頭耗滅寡虛日以削消

節 景星照堂麟遊鳳翔仁施大行頌聲並興

坤 干旌旌旗執幟在郊雖有寶珠無路致之歸妹之隨履之損

過 李花再實鴻卵降集仁德以興廢國受福小畜之離師之訟

漸 白鳥赤鳥戰於東都敗悔為憂

齊 採新得麟大命殞顛豪雄爭名天下四分坤之

易林卷二

隨之第十七

隨 鳥鳴東西迎其羣侶似有所屬不得自專空返獨還

乾 鼻日易處不知香臭君迷於事失其寵位

坤 唐虞相輔鳥獸喜舞安康無事國家富有

屯 左輔右弼金玉滿置常盈不亡富如教倉師之歸妹 蒙之坤

蒙 東龍見獨與石相觸推折兩角

需 釣日厭部善逐人走來嫁無夫不安其廬

訟 逐兔驅狼避去不祥凶惡北行與善相逢

師 賁賈賸狸不聽我辭繫於虎鬚牽不得來需之睽同人 之否否之革

比 同載共輿中道別去喪我元夫獨與孤居比之

畜 奮翅鼓翼將之嘉國愆期失時乃得所欲

履 目傾心惑夏姬在側申公顛倒巫臣亂國

泰 搏鳩彈鵲獵兔山北九盡日暮失獲無得

否 鹿求其子虎盧之里唐伯季耳貪不我許

同人 敗魚鮑室臭不可息上山履塗歸傷我足

畜 花燈百枝消暗哀微精光訖盡奄有仄靡

謙 顏叔子夏遊遨仁宇溫良受福不失其所

豫 梁柱堅固子孫蕃熾福喜盈積終無禍悔

蠱 邊鄙不寧民狎於野普人成功年歲大有

臨 蝸池鳴呵呼我水滌雲雨大會流成河海

觀 志合意同姬姜相從嘉偶在門夫子悅喜

噬 白馬騶駘更生不休富有商人利得如丘

賁 大似夏禹經啓九道各有攸處民得安所

剝 甲戌已庚隨時轉行不失其心唐季發憤擒滅子嬰

復 穆違百里使明厲武將帥襲戰敗於散石

姤 茹如本居與類相投願慕群旅不離其巢

頤 伯仲叔季日暮寢寐坐卧失明喪其目囊

遁 亡羊補牢張氏失牛駢駒奔走鵠盜我魚

蹇 雀目燕額畏昏無光思我狡童不見子充

坎 入和出明動作有光運轉休息常樂允康

離 不勝私情以利自嬰北室出孤毀其良家

咸 稱幸上靈媚悅於神受福重重子孫蕃功

恒 齊姜叔子天命在位實沉參墟封為康侯

遯 遯遊無患出入安全長受其懽君子萬年

狀 被服文德升入大麓四門雍肅登受大福慈烏鳴鳩執一無尤寢門內治君子悅喜

晉 負金懷玉南歸嘉國蜂蟻不螫入我室蠶音適 蟻音釋

期 日在阜顛嚮昧為昏小人成羣君子傷倫

家 水火父母先來鳴响澤臯之上從高而處

睽 東隣少女為王長婦柔順利貞宜夫受子

蹇 戴鉞望天不見星辰願小失大福逃於外顛願

解 王喬無病狗頭不痛七跛失履之我徒從

損 使燕築室身無庇宿家不容車後我衣服

益 威權分離烏夜徘徊爭蔽月光大人誅傷

夬 辯變白黑巧言亂國大人失福君子迷惑

姤 衣鋸甲鎧敵筐為具大人不顧少煩不取棄損於道

萃 燕雀銜泥以生乎乳兄弟六人交好孝悌得心歡欣和悅相樂小畜

升 登几上輿駕駟南遊合從散衛燕秦以強

困 黯黯許許仇禍相得冰入炭室消亡不息許一作許

井 鷓鴣破斧邦人危殆賴其忠德轉禍為福傾危復立

革 載金販狗利奔我走藏慝淵渠悔折為咎

鼎 淵坑復平宇穴安寧憂患解除賴福長生

震 驪姬讒嬉與二孽謀譖我公子賊害忠孝駕昌喜門商伯有害

良 刳羊不當血少無美女執空筐不得採桑

漸 牧羊稻園聞虎喧嚷畏懼慄息終無禍患

歸 明德隱伏麟鳳遠匿周室傾側不知所息

豐 鄰不我顧而求寶玉身多禿賴誰肯媚者

旅 初雖無輿後得載車賴幸逢福得離兵革

巽 水壞我里東流為海龜鳥懼囂不堵王母

允 兩心不同或欲西東明論終始莫適所從

渙 天帝懸車廢禮不朝讓服不制失寵其家

節 交川合浦遠濕難處水土不同思吾皇祖

中 勾踐之危棲於會稽太宰譏言越國復存隨壯

遯 慈烏鳴鳩執一無尤寢門內治君子悅喜隨壯

漸 當年早寡孤與獨居雞鳴犬吠無敢問者我生不遇獨罹寒苦

漸 江海變服淫緬無測高位顛崩寵祿反覆

蠱 蠱之第十八

蠱 紡生江淮一轉為百周流四海無有難惡紡

乾 首釋與目載受福慶我有好爵與喜相迎

坤 輶輶輶輶歲編敵寵名牽指君襄在位

屯 折筮蔽日屏遮王目司馬無良平子沒傷

蒙 家在海隅繞旋深流王孫單行無妄以趨固陰泛寒常冰不温凌人情急大電為害

需 執義秉德不危不殆延頸盤桓安其室垣屯耗未得終無大恤

訟 長舌亂國大斧破車陽陰不順姬姜哀憂

師 二人共路東趨西步千里之外不相知處

比 視暗不明雲蔽日光不見子都鄭人心傷

畜 初憂後喜與福為市八佾列陳飲御嘉友

履 僮妾獨宿長女未室利無所得

泰 玄黃四塞陰雌伏謀呼為牆屋為巫所識

否 中歲摧墮常恐衰微老復賴慶五穀為相

同人 伯氏殺牛行悖天時毫社夷燒朝歌邱墟

謙 日短夜長祿命不光早離父兄免見分張

豫 采唐沫鄉微期桑中失心不會憂思忡忡

隨 昧視無光夜不見明冥抵空牀李葉逃亡

臨 舉趾振翼南至嘉園見我伯姊與惠相得

觀 則天順時周流其墟與樂並居無有咎憂

噬 蔓室蜂戶螫我手足不可進取為我害咎

賁 公孫駕驪載遊東齊延陵悅產遺季紵衣

賁 轉作驪山大失元心劉季發怒命滅子嬰

剝 羊腸九縈相推稍前止須王孫乃得上天

復 蟠竦充側佞人傾惑女諂橫行正道壅塞

姤 福祿不遂家多怪崇麋鹿悲吟思其大雄

畜 雲雷因積大雨重疊久不見日使我心悒

頤 三河俱合水怒踴躍壞我王室民困無食

過 旦雨夜行早遍都城更相覆傾終無所成二頭兩眼不見其真

坎 褒后生蛇經老育微側跌哀公酒滅黃離

離 鴻雁南飛隨陽休息轉送天和千里不哀

咸 後時失利不得所欲

恒 心多恨悔出言為怪梟鳴室北聲醜可惡請謁不得

遯 四馬過隙時難再得尼父孔聖繫而不食

壯 陰變為陽文化為男治道得通君臣相承

晉 崑崙源口流行不止鯨伊砥柱民不安處母歸扶子黃慮悅喜

明 葛屨蒙棘華不得實讒佞亂政使恩壅塞

家人 公無長詢天王駁馬非其所當傷折為患

睽 大倉充盈萬物蕃成年歲熟祭

蹇 執簧灼犧為風所吹火滅無光不見玄黃

解 烏反故巢歸其室家心平意正與叔相鳴登高履陸失其寵貴

漢魏叢書

損 弩弛弓藏良犬不烹內無怨女征夫在堂

益 牡犧孔博日新其德文君出獵姜氏受福

夬 秋季孟冬寒露霜降大陰在庭庶物不生雞鳴犬吠家宴數驚
心多恨悔出門見怪反蛇三足醜聲可惡媒母為媒請求不得

萃 虎豹爭強道閉不通小人權訟貪天之功

升 雞方啄粟為狐所逐走不得食惶怖惕息

困 陳媯敬仲兆興齊姜乃適營邱八世大昌

井 昊天白日照臨我國萬民康寧咸賴喜福

革 雲夢天數索有所在虞人共職驪駒樂喜

鼎 獐鹿雉兔羣聚東國蘆黃白脊俱往追逐九斲十得主君有喜

震 德惠孔明主君復章保其室堂

艮 天之所壞不可強支眾且嘈嘈雖貴必危

漸 天之奧隅堯舜所居可以全身保我邦家

歸 下泉苞稂十年九王荀伯遇時憂念周京九一作无

豐 江淮海隅眾利聚居可以遨遊卒歲無憂

旅 南山黃竹三身六日出入制命東皇宣政主尊君安鄭國無患

巽 重譯置之來除我憂喜樂俱居

兌 南山高崗麟鳳室堂含和履中國無災殃

渙 紫芝朱草生長和氣公戶侑食福祿來下

節 宮成室就進樂相舞英俊在堂福祿光明

坤 商之子孫資無所食貪員逐狐留連都市還轅內鄉嘉喜何咎

過 執贄入朝獻其孤裘元戎燮安沙漠以權

澆 湧泉汨汨南流不絕洿為淮海敗壞邑里家無所處

蹇 固陰沍寒常冰不温凌人情怠大電為災

臨之第十九

臨 弱水之西有西王母生不知老與天相保行者危殆利居善喜

乾 黃蘗生母白成為母晉師在郊虞公出走

坤 倉皇奉使中山以孝文侯悅喜擊子徵召

屯 機關不便不能出言精誠不通為人所究

蒙 白茅醴酒靈巫拜禱神嗜飲食使君壽考

需 重瞳四乳耳聰目明普仁表聖為作元輔

訟 水漲無船破城壞堤大夫從役一朝亡殞不見少妻

師 六人俱行各遺其囊鴻鵠失珠無以為明

比 隨時轉行不失其常各樂厥類身無咎殃

畜 蔡女蕩舟為國患憂後在側屏蔽王目早衰六畜

履 駕龍騎虎周遍天下為神人使西見王母不憂危殆

秦 胥恐之吳盡策閭閻鞭平服荆除大啓殃威震敵國還受上卿

否 唐邑之廬普人以居虞叔受福實貺是國世載其樂

同人 管鮑相知至德不離三言于桓齊國以安

謙 三十無室長女獨宿心勞未得憂在胸臆

豫 散渙水長風吹我卿火滅無光隱敗桓功

隨 娟飛蠕動各有配偶小大相保咸得其所

安樂几筵未出王門

蠱 大王災禍下土恩塞觚亂我國

觀 長生無極子孫千億柏柱載梁堅固不傾

噬 欽敬昊天厯象星辰宜受民時陰陽和調

賁 三河俱合水怒踴躍壞我王室民困于食

剝 壽如松喬與日月俱常安康樂不離禍憂

復 天之所予福祿常在不憂危殆

既 受讖六符招搖室虛雖跌無憂保我命則

畜 賞金賈市失道後時勞罷為憂

頤 華首山頭仙道所遊利于居止長先咎憂

過 采唐涿鄉徵期桑中失信不會憂愈約帶

坎 人面九口長舌為斧斲破珊瑚股商絕後

離

臨溪橋寂雖恐不危樂以笑歌

咸 泱泱沸溢水泉為害使我無賴

恒 蝗螟為賊害我稼穡秋飢于年農夫鮮食

遯 八百諸侯不期同時慕西文德興我宗族家門雍睦

壯 長男少女相向笑語來歡致福和悅樂喜

晉 平國不君夏氏作亂烏號夏發靈公殞命

夷 春多膏澤夏潤優渥稼穡成熟畝獲百斛

家人 客宿卧寒席暮不安行為危害留不得歡

睽 乘槎浮海雖懼不殆母載其子終馬何咎

蹇 手拙不便不能伐檀草無軸輾行者苦難

解 唐虞相輔鳥獸率舞民安無事國家富有

損 秋蛇向穴不失其節夫人姜氏自齊復入

益 病篤難醫和不能治命終永訖下即蒿蘆

夬 青蛉如雲城邑閉門國君衛守民困于患

姤 牙孽生齒室堂啟戶出入利貞鼓翼起舞

萃 晃游江湖役行千里以為死亡復見空桑長生樂鄉

升 黃帝出遊駕龍乘鳳東上太山南遊齊魯邦國咸喜

困 履危不止與鬼相視驚恐失氣如騎虎尾

井 秋南春北不失消息涉和履中時無陰匿
 革 龍門砥柱通利水道百川順流民安其居
 鼎 千歲廟堂棟橈傾僵天厭周德失其寵光
 震 折筭蔽目不見稚叔五足孤鳥遠離室家
 艮 望叔山北陵隔我目不見所得使我心惑
 漸 匏瓠之息一畝十室萬國都邑北門有福
 歸 域域牧牧憂和相伴隔我巖山室家分散
 豐 麟麒麟耳遊食萍草道送石門循山上下不失其子一本無未句
 旅 天所祚昌文以為良篤生武王姬受其福
 巽 羊腸九縈相推相前止須王孫乃能上天剝之
 兌 貧鬼守門日破我盆孤牝不駒雞不成雛
 渙 飽食從容入門上堂不失其常家無咎殃
 節 陰淫不止白馬為海澤舉之子就高而處
 中 執戈俱立以備暴急千人舉龍困危得海終安何畏
 小 夾河為婚水漲無船追心失望不見歡君
 過 陰陽變化各得其宜上下順通奏為膚功
 濟 狂劣德薄失其臣妾田不見禽大無所得
 未 觀之第二十

觀 歷山之下虞唐所處躬耕致孝名聞四海為堯所薦禪位天子
 乾 娟飛蠕動各有所配歡悅相迎咸得其處
 坤 繼祀宗邑追明成康光照萬國享世久長病疾不醫下即高盧此二句疑衍
 屯 秋冬採棗不得鵲雖銜指北去塊我少姬
 蒙 僮妾獨宿長女未室利無所得
 需 洪魚逆流至人潛去蒿蓬代柱天屋顛仆
 訟 日闇不明讒夫在堂右臂疾痺君失其光
 師 王孫季子相與孝友明允篤誠升擢薦舉為國幹柱
 比 麟趾龍身日馭三千南上蒼梧與福為婚道里夷易安全無患
 畜 三子成駒折損輻軸輪載空輿後時失期
 履 逐福除患道德神仙避惡萬里常歡以安
 泰 黃池之盟吳楚爭強句踐為患夷門不安探穀得蠶所願不喜
 否 青牛白咽呼我俱田歷山之下可以多耕歲藏時節人保安宜
 同人 有頭無目赫赫粟粟一作不見散粟一作不消耗為疾三年不復
 大有 山沒邱浮陸為水魚燕雀無巢民無室廬
 謙 高岡鳳凰朝陽梧桐雍雍雅嗜嗜奉奉姜姜陳辭不多以告孔嘉
 豫 鯀寡獨宿憂動胸臆莫與笑食
 隨 躡馬破車惡神降家青蠅汙白暴子離居

蠱 長女二嫁進退無羞逐孤作妖行者離憂
 臨 人無足法緩行長姦地雄走歸陽不制陰男失其家
 噬 茹芝餌黃飲食玉英與神流通長無憂凶
 賁 東行無門西出華山道塞於難遊子為患
 剝 壽如松喬與日月俱常安康樂不罹禍憂
 復 探敵得禽所願不喜黃池之盟吳楚爭強勾踐為患夷門不安
 妄 螭螺生子深目黑醜雖飾相就眾人莫取
 畜 喜怒不時霜雪為災稼穡無功后稷飢寒
 頤 鳥升鵲舉照臨東海龍降庭堅為陶叔後封為彭邱履祿綏厚
 過 黃離日照我四國元首昭明民賴其福
 坎 黍稷醴醢敬奉山宗神嗜飲食甘雨嘉降獨蒙福力時災不至
 離 禍不更生福過我里入門笑喜與吾利市
 咸 晝卧牢門怵惕不安目不得闔鬼搔我足
 恒 春草榮華長文宜夫受福多年世有封祿
 遯 雁門中山朋賊賢傷仁暴亂狂悖簡公失位
 壯 心壯無良猖獗妄行觸抵牆壁不見戶房
 晉 膠車木馬不利遠賈出門為患安止不危
 夷明 家在海隅橈短流深企立望宋無木以趨

家 久桑枯槁當風大道蒙被塵埃左右勞苦
 睽 過時不行妄逐王公老女無夫不安其居
 蹇 履泥污足名困身辱兩仇相當自為痛疾
 解 精華墮落形容醜惡齟齬挫頓枯槁腐蠹
 損 長生無極子孫千億松柏為梁堅固不傾
 益 去辛就蕘毒愈酷甚避井入坑憂患日生
 夬 行堯欽德養賢致禮眾英積聚國無寇賊
 姤 狗逐兔走俱入谷口與虎逢之迫不得去
 萃 望尚阿衡太宰周公藩屏湯武立為侯王
 升 清人高子久屯外野逍遙不歸思我慈母
 困 三蟲作蠱前跡無與勝母盜泉居不安處
 井 獮作龍身進無所前三日五夜得其所欽
 革 黃裏綠衣君服不宜淫面毀常失其寵光
 鼎 天所顧祐禍災不到安吉無懼
 震 盤紆九回行道留難止須千丘乃睹所歡
 艮 暴虐失國為下所逐北奔陰胡主君危頭
 漸 御駢從龍至霍華東與禹相逢送至子邦
 歸 銅人鐵距雨露勞苦終日卒歲無有休息

豐 大人失宜盈滿復虧成長之木盛者滅衰

旅 梅李冬實國多盜賊亂擾並作王不能制

巽 澤枯無魚山童難株長女嫉妬使身虛空

兌 天門冬虛晉季為災臨睽默蒼伯受殃

渙 褰衣涉河水深漬衣幸賴舟子濟脫無他

節 推車上山高仰重難終日至暮不見阜顛

鼎 鼎易其耳熱不可舉大路壅塞旅人心苦

過 四亂不安東西為患退身止足無出邦城乃得完全賴其生福

班 班馬還師以息勞疲役夫嘉喜入戶見妻

積 積德不怠遇生逢時載善一作喜渭陽身受榮光

噬嗑之第二十一

麟 麟鳳凰善政得祥陰陽和調國無災殃

乾 北風相牽提笑語言伯歌叔舞燕樂以喜

坤 甲戌己庚隨時運行失常節成逢出生各樂其類達性任情

屯 破亡之虛神所憂衰進德無光留止有慶

蒙 沌斯膏澤祈衛百毒防以江南虺不能螫

需 日月相望光輝盛昌三聖成功仁德大降

訟 大蛇巨魚戰于國郊上下濟塞衛侯盧潛

師 龍入天關經歷九山登高上下道里險難日晏不食絕無甘酸

比 沙漠北塞純無水泉君子征凶役夫力殫

畜 闕折門啓於帶解墮福與善生憂不為禍

履 狼虎所嗾患害必遭不利有為宜以遁逃

泰 金精耀怒帶劍過午兩虎相距弓弩滿野雖憂無咎

否 朽根枯樹華葉落去卒逢火焱相隨偃仆

同人 入和出暗動作有光轉運休息常樂允康

謙 國多忌諱大人恒畏結口無患可以長存

豫 天地淳亨六合光明陰序陽順厥功以成

隨 裸程逐狐為人歡笑牝雞鳴晨主作亂妖

隨 陰失陽復桀失其室相餒不食

蠱 蝟飛蠹動各有配偶大小相保咸得其所臨之

臨 鬼守我廬欲呼伯去曾孫壽考司命不許與生相保

觀 禍走患伏喜為我福凶惡消亡災害不作

賁 智不別揚張誑妄行陷淵仆顛傷殺伯身

剝 凶憂災殃日益明章禍不可救三都夷傷

復 長尾蜚蛇畫地為河深不可涉絕無以北悵然憤息

姤 愛我嬰女牽引不與莫幸高貴反曰下賤

畜大 息游江湖甘樂其餌既不近人雖驚不駭
 願 明滅光息不能復食精魄既喪以夜為室
 過 奇適無偶習靜獨處所願不從心思勞苦
 坎 葛藟蒙棘花不得實護佞亂政使忠壅塞
 離 鵲笑鳩舞來遺我酒大喜在後授我龜紐能喜張口超拜福祉
 咸 搖尾逐災雲孽辟除滄泥生涼下為田主
 恒 白鶴啣珠夜食為明膏潤優渥國歲年豐
 遯 內執柔德止訟以默宗邑賴德禍災不作
 壯 犬吠驚駭公拔戈起立宣厭火消散瓦解
 晉 公悅姬喜子孫俱在榮譽日登福祿來處
 明 鳥鳴捕鵲長欲飛去循枝上下適與風遇顛損樹根命不可救
 家 折薪熾酒使媒求婦和合齊宗羨子悅喜
 睽 隣不我顧而望玉女身多疣癩誰當媚者
 蹇 遠視無光不如青黃黓纏塞耳使君聞聾
 解 射身整己逢禹巡狩賜我元圭蒙受福祐
 損 遠望千里不見黑子離婁之明無益于光
 益 斧斤所斫瘡疔不愈鐵口不施下即空室
 夬 齊侯少子才略美好求我長女賤薄不與反得醜陋後乃大悔

姑 失儂後旅天門地戶不知所在安止無咎
 萃 烏孫氏女深目黑醜嗜欲不同過時無偶
 升 伯駕純駟南至東華求牽車馬道關中止
 困 二女寶珠誤鄭大夫君父無禮自為作笑
 井 陽城太室神明所息仁者之君獨無兵革
 革 反一作蛇為殃使道不通歲利甚少年穀敗傷
 鼎 三足孤鳥靈明為御司過罰惡自殘其家毀敗為憂坎之
 震 車駕兩勒絕馬欲步雙輪脫行至道遇害一本作膠車乃駕兩引如
 艮 鬱映不明為陰所傷眾霧集共奪日光
 漸 鸛鳩鳴巢治城遇災周公勤勞綏得安家
 歸 名成德就項領不試景公耄老尼父逝去
 豐 一夫兩心拔刺不深所為無功求事不成
 旅 羿張烏號毅射天狼趙國雄勇敗于滎陽
 巽 東家殺牛汚臭腥臊神皆西顧命衰絕周
 兌 火起我後喜炙吾廬倉龍啣水泉嘆屋柱雖難無咎
 渙 桃雀竊脂巢于小枝搖動不安為風所吹寒風飄搖常憂殆危
 節 徒足去域飛入東國有所畏避深藏遠匿
 中 瑤英朱草仁政得道鳧鷖在渚福祿來下

過 陳蔡之厄從者飢瘦明德上通憂不為凶

濟 春桃生花李文宜家受福多年男為邦君

未 徑邪賊田政惡傷民夫婦咒詛太山覆顛

賁之第二十二

賁 仁政不暴鳳凰來舍四時順節民安其居

乾 八口九頭長舌破家帝辛沉酒商滅其墟

坤 鬼守我門呼伯入山去其室家捨其兆墓

屯 日出阜東山蔽其明章甫薦履箕子祥狂

蒙 戴盆望天不見星辰顧小失大福逃牆外

需 兩輪日轉南上大阪四馬共轅無有重難與語笑言

訟 羊驚狼虎從耳羣聚行旅稽難留連愁苦

師 梗生荆出命制輸班袍衣剝脫夏熱冬寒飢餓枯槁眾人莫怜

比 鳥飛無翼兔走析足不常其德自為羞辱

畜 條風制氣萬物出生明庶長養花葉壯茂

履 坤厚地德萬物蕃息平康正直以綏大福

泰 昂畢附耳將軍笑怒徑路隔塞燕雀驚駭

否 東風啟戶黔喙翻舞各樂其類咸得生處

同人 兩足四翼飛入家國宜我伯妙與母相得

有大 歲暮花落陽入陰室萬物伏匿歲不可得

謙 釋然遠咎避患高阜田獲三狐以貝為寶君子所在安益不殆

豫 遷延卻縮不見頭日日以困急

隨 秋隼冬翔數被嚴霜雄犬夜鳴家擾不寧

蠱 班馬還師以息勞疲役失嘉喜入室見妻

臨 老楊日衰條多枯枝爵級不進遂至摧墮

觀 順風吹火童騎驥尾易為功力因懼受福

噬 六人俱行各遺其囊黃鵠失珠無以為明

剝 依叔牆隅志下心勞楚王晨食韓子低頭

復 三年生狗以戌為母荆夷上侵姬伯出走坤之震需之訟否之姤

既 鶴盜我珠逃于東都鵠起追求郭氏之墟不見蹤跡反為禍災姤剝之豫

畜大 外與中退舉事不遂哺糜毀齒失其道理

頤 鴻鵠高飛鳴求其雌雌來在戶雄哺嚙甚獨勞苦魚鱉膾鯉觀之渙剝之賁

蹇 褰衣涉河水深漬衣幸賴舟子濟脫無他剝之賁

坎 虎齧龍指太山之崖天命不佑不見其雌

離 明不處暗智不履危終年卒歲樂以笑歌

咸 三足俱行傾危善僵六指不便恩累弟兄樹柱閱車失其正當

恒 舍車而徒亡其駸牛雖喪白頭酒以療憂

遯 析新熾酒便媒求婦和合齊宗姜子悅喜
 夜視無明不離商賈子反笑歌與市為仇
 徒行離車冒厭泥塗利以休居
 作室山根人以為安一夕崩顛破我壺餐
 東山西山各自言安雖相登望竟未同堂
 君子在朝凶言消去驚駭逐狼不見雄英
 蹇 輓輓慎慎一作輓輓輓火燒山根不潤我隣獨不蒙恩
 南山之蹊真人所遊德配唐虞天命為子保佑敢享身受天慶
 龍蛇所聚大小來處決決滯滯淡淡磕磕使我無賴
 梅妻若鬪慕德獻服邊鄙不悚以安王國
 益 光體春成陳倉雞鳴陽明失道不能自守消亡為咎
 姤 下泉苞稂十年無王荀伯遇時憂念周京
 萃 仁德不慕五精就舍四序允釐民安其居
 升 隨和重寶眾所貪有相如晚柱趙王危殆
 困 鳳生五雛長于南郭君子康寧悅樂身榮
 井 二人為旅俱歸北海入門上堂拜謁王母勞賜我酒女功不喜
 革 逐憂除殃 生梁下田為王
 鼎 東門之墀茹盧在坂禮義不行與我心反

震 見過稻廬甘樂趨鱸雖驅不去
 艮 清人高子久屯外野道遙不歸思我君母公子謁請王孫嘉許
 漸 讒佞所言語不成全虎狼之患不為我殘
 歸 張羅捕鴟為麗其父雌雉俱得為網所賊
 豐 安仁尚德東隣慕義來安吾國
 旅 猾醜假誠前後相違言如鯨咳語不可知
 翼 懷壁越鄉不可遠行蔡侯兩裘久苦流離
 兌 伯氏歸國多所恨感車頓蓋傾身常驚惶乃得其願雌雄相從
 渙 火石相得乾無潤澤利少囊縮
 節 君明聖哲嗚呼其友顯德之徒可以禮仕
 坤 騎豚逐羊不見所望徑涉虎盧亡豚失羊
 過 玄黃虺隤行者勞罷後夫憔悴處子猥衰
 既 右子掩目不見長叔失其所得悔吝相仍
 未 免冠進賢步出朝門儀體不正賊孽為患
 剝 剝之第二十三
 行觸大諱典司命忤執囚東縛拘制于吏憂人有喜
 穿胸狗邦僵離旁卷天地易紀日月更始
 從風縱火荻芝俱死三害集房十子中傷

焦氏易林

四十一

屯

北山有秦橘袖所聚荷囊載擔香盈筐

蒙

資金贖狸不聽我辭繫于虎鬚牽不得來

需

上下惟邪寘婦無夫歡心隔塞君子離居

訟

二人輦車徒去其家井沸釜鳴不可安居

師

蹇驢不才駸驥失時劬力勞盡罷于沙正

比

明傷之初為穆出郊以護復歸名曰堅牛剝亂叔孫餓于空正

畜

天火大起飛鳥驚駭作事不時自為多咎

履

土與山連共保成寒終無災患萬世長安

泰

日出阜東山敵其明音甫薦履箕子佯狂

否

龍馬上山絕無水泉喉焦唇乾口不能言

同人

雄處弱水雌在海濱將別持食悲哀于心

大有

庭燎夜明追嗣以一陽軟不至陰雄 戾

謙

三婦同心忽不相思志恒不愁顏色 怡

豫

鶴盜我珠逃于東都鵲怒追求郭氏 墟不見踪跡反為患災

隨

沐猴冠帶盜在非位眾犬共吠倉狂蹶足

蠱

黍稷禾稻垂畝方好中旱不雨傷風病稿

臨

雄聖伏名人匿麟遠走鳳飛北亂禍未息

觀

三母多福天祿所伏居之寵光君子有福

噬

被服文德升入大麓四門雍肅登受大福

賁

褰裳涉河流深漬衣幸賴舟子濟脫無他

復

班馬還師以息勞疲役夫嘉喜入戶見妻

姤

東鄰嫁女為王后妃莊公築館以尊王母歸于京師季姜悅喜

大畜

百足俱行相輔為強三聖翼事王室寵光

頤

危坐至暮請求不得膏澤不降政戾民忒

過

百川朝海泛流不止路雖遼遠無不到者

坎

乘駟駕驪東至于濟遭遇仁友送我以資厚得利歸

離

禮壞樂崩陰請不當成子傲慢為簡生殃欲求致理力疲心爛

咸

一人輦車乘入虎家王母貪饗 我犁牛

恒

羊頭兔足少肉不飽漏囊敗粟利無所得

壯

新田宜粟上農得穀君子懷德以千百福

晉

夷羿所射發輒有獲雙鳧俱得利伐王國

明

鳧舞鼓翼嘉樂堯德虞夏美功要荒賓服

家人

登邱上山對酒遇歡終年卒歲優福無患

睽

歲暮花落陽入陰室萬物伏匿藏不可得

蹇

蟻蟲為賊害我禾穀罽瓶空虛飢無所食

蹇

陽虎脅主使德不通炎離為殃年穀患傷

解 四馬其轅東上泰山駢驪同力無有重難與君笑言

損 牧羊稻園聞虎喧驪畏懼悚息終無禍患

益 陽花不時冬實生危憂多橫賊生不能服崑崙之玉取求必得

夬 高阜所在陰氣不淋洪水不處為家利寶

姤 釋然遠咎避患革害田獲三狐以貝為寶君子所在安寧不殆

萃 兩目失明日奪無光脛足跛曳不可以行頓于邱旁亡妾莫逐鬼然獨宿

升 鴻飛循陸公出不復伯氏客宿

困 佩玉纍纍無以繫之孤恚獨處愁哀相憂一作秦方云云

井 載船渡海雖深何咎孫子俱在不失其所

革 鵠求魚食道遇射弋繒加我頸綴縛兩翼欲飛不能為羿所得

鼎 泥面亂頭忍恥羞羞日以削消

震 桑方將落隕其黃葉失勢傾倒如無所立一作佩玉云云

艮 巨蛇大鱷戰于國邦上下隔塞王君走逃

漸 已動死連商子揚砂石胡格擾軍鼓振吏士恐

歸 張羅搏鳩鳥麗其父雌雄俱得為網所滅一作二人俱行別離持食一身五心亂無所得

豐 三聖相輔鳥獸喜舞安樂富有二人諧偶

旅 三奇六耦相隨俱市王孫善賈先得利實居止不安洪水為咎

翼 三人俱行一人言北伯叔欲南少叔不得中路分道爭鬪相賊

兌 播天舞地擾亂神所居樂無咎言不信誤

渙 坐爭立訟紛紛洵幸成禍亂災及我公

節 蛇行蜿蜒不能上阪履節安居可以無憂

中 隙大墻壞蠹取木折狼虎為政天降罪伐高殺望夷胡亥以斃

過 陽不違德高山多澤顏子逐寇未有所得

既 心多畏惡時愁日懼雖有小咎終無大悔

濟 眾神集聚相與議語南國虐亂百姓愁苦舉師征討別立賢主

復之第二十四

復 周師伐紂克于牧野甲子平旦天下悅喜

乾 任武負力東征不伏陷履泥塗雄師敗覆

坤 義不勝情以欲自營觀利危躬折角摧頭

屯 懸貍素食食非其任失輿剝廬休坐徒居室家何憂

蒙 鷓鴣娶婦深且窈身折腰不媚與伯相背

需 東風解凍河川流通西門子產陞擢有功

訟 三足俱行傾危善僵六指不便累恩弟兄樹柱開車失其正當

師 京庾積倉黍稷以興極行疾至以厭飽食

比 南山之蹊真人所在德配唐虞天命為子保祐歡享身受大慶

剝 車馳人趨卷甲相仇齊魯寇戰敗于犬邱坤之

履 十五許室柔順有德霜降歸嫁夫以為合先王日至不利出域

泰 任力者薄遠托邦國輔車不僵為難所傷

否 千載舊室將有困急荷糧負囊出門直北

同人 惡災殆盈日益章明福不可救三卻夷傷

大有 冠危載患身驚不安與禍馳逐凶來入門

謙 虎狼並處不可以事忠謀轉改禍必及已退隱深山身乃不殆

豫 卵與石鬪糜碎無處挈瓶之便不為憂懼

隨 五心六意岐道多怪非君本志生我恨悔

蠱 雨雪載途東行破重旅人無家

臨 尚利壞義月出乎地國亂天常咎徵滅亡

觀 東行破重步入范家衡門穿射無以為主賈袍續食糲糠不飽

噬嗑 逐金出門并失玉瓦往來井上甑破缺盆

賁 春孟醴酒使君壽者南山多福宜行賈市秋梁雌雉所至利喜

剝 持及操肉對酒不食夫亡從軍長子入獄抱膝獨宿

无妄 騎牛傷暑不能成畝草菜不登年歲無有

畜大 南邦大域鬼魅滿室譁聲相逐為我行賊

頤 尊尊所言莫如我垣歡樂堅固可以長安

過大 堯舜禹湯四聖敦仁允施德音民安無窮旅人相望未同朝卿

坎 桎梏拘獲身入牢獄髡刑受法終不得釋耳閉道塞求事不得

離 跣立桀處民困愁苦行旅遲遲留連齊魯

咸 求雞獲雉買鷺失魚出入均貨利得無餘齊姜宋子婚姻孔喜

恒 雨師駕駟風伯吹雲秦楚爭強施不得行

遯 仲冬兼秋鳥散飲憂困于米食數驚鷓鴣

壯 三瓶上山俱至陰安遂到南陽完其芝香兩崖相望未有枕床

晉 飛之日南還歸遼東雌雄相從和鳴雍雍解我胸春

明夷 堯飲舜舞禹拜上酒禮樂所豐可以安處保我淑女

家人 太乙置酒樂正起舞萬神攸同可以安處綏我兕齒

睽 白馬駢驅生乳不休富我商人得利饒優

蹇 菟馬疾步盲師坐御目不見路中止不到

解 春桃萌生萬物華榮邦君所居國樂無憂

損 把珠入口蓄為玉寶得吾所有欣然嘉喜

益 襦燒袴燔羸剝飢寒病症凍瘡

夬 水沫沉浮沮濕不居為心疾憂

姤 行如桀紂雖禱不祐命衰絕周文君之祀

萃 蟬蟬戴盆不能上山脚摧跛蹶損傷其頭

升 長子入獄婦饋母哭霜降旬甚嚮晦伏法

困 求犬得免請新遇故雖不當路踰吾舊舍

井 鳥鳴葭端一呼三顛動搖東西危而不安靈符禱社疾病無患

革 天厭禹德命興湯國被社豐鼓以除民疾

鼎 陰霧作匿不見白日邪徑迷通使君亂惑

震 猿墮喬木不跛手足握珠懷玉還歸我室屯之豫 蒙之隨

艮 三驪負衡南取芝香秋蘭芬馥盈滿匿筐利我少姜

漸 春生孚乳羽毛成就舉不失宜君臣相好盜走奔北終無所悔

歸 東行破車遠反室家天命訖終無所禱凶

豐 九雁列陣雌獨不羣為曾所牽死于庖人

旅 二人輦車從去其家井沸釜鳴不可以居

巽 閉塞復通與喪相逢甘棠之人解我憂凶

兌 賦斂重數政為民賊杼柚空虛家去其室

渙 怒非其怨貪妬腐鼠而呼鷓鴣自令失餌倒被災患

節 簪短帶長幽思最苦瘠貌少疲以疾病降

坤 三人俱行各別採桑蘊其筐苦切戾嘉信得歸無咎四月來處

過 逐鳩南飛與喜相隨並獲鹿子多得利歸雖憂無危

濟 驅羊南行與禍相逢狼驚吾馬虎盜我子悲恨自咎

未 東鄰西國福喜同樂出得隋珠留獲和玉俱利有息

无妄之第二十五

乾 夏臺美里湯文厄處皋陶聽斷岐人悅喜西望華首東歸無咎

坤 澹耳穿胸纏離勞春天地易紀日月更始蠖蟄我手痛為吾毒

屯 慈母之恩長大無孫消息襁褓害不入門

蒙 謠言妄語轉相誣道左失跡不知狼處

需 鬱映不明陰積無光日在北陸萬物彫藏

訟 主母多福天祿所伏居之寵昌君子有光

師 不耕而獲家食不給中女無良長子跛足疎齒善市商人有喜

比 火起上門不為我殘跳脫東西獨得先完不利出鄰疾病憂患

剝 持刀操肉對酒不食夫亡從軍少子入獄抱膝獨宿剝之

履 緇鯁去海遊於枯里街巷迫狹不得自在南北四極渴餒成疾

泰 啞啞笑語與歡飲酒長樂行觴千秋起舞拜受大福

否 登高上山賓于四門士伍得權福為我根

同人 天厭周德命于南國以禮靜民兵革休息

大有 壅遏隄防水不得行火光盛陽陰魄伏匿走歸其鄉

謙 河海都市國之與府商人受福少子玉石一作食

豫 東行避兵南去不祥西逐曲惡北逃福王與喜相逢

豫 東家中女嫁母取醜三十無室媒伯勞苦

隨 破亡之國天所不福難以止息

蠱 驂駕寒驢日暮失時居者無憂保我樂娛

臨 蝮蝮之側佞幸傾惑女謁橫行王道充塞

觀 三殺五羊相隨並行迷入空澤有谷直北徑涉六駭為所傷賊

噬 戴喜抱子與利為友天之所命不憂危殆荀伯勞苦西來王母

賁 織纓未就針折不復女工多態亂我政事

剝 行露之訟貞女不行君子無食使道壅塞

復 羿張烏號設射天狼鐘鼓不鳴將軍振旅趙國雄勇關死滎陽

畜 延頸望酒不入我口商人勞苦利得無有夏臺羨里難為復喜

頤 冠帶南遊與善相期邀于嘉國拜位逢時

過 東西觸垣不利出門魚藏深水無以樂賓爵級權頹光威咸衰

坎 兩母千子轉息無已五乳百離駢駮驥駒

離 重黎祖後司馬太史陽氏之災彫宮悲苦

咸 內執柔德止訟以默宗邑賴福禍災不作

恒 采唐沫鄉邀期桑中失信不會憂思約帶一作牛職同堂郭氏以亡國破為墟君奔走逃

遯 官成立政衣就缺袂恭謙為衛終無禍尤

壯 麒麟鳳凰子孫盛昌少齊在門利以合婚貴人大歡

晉 亂危之國不可涉域機機發發身頓僵覆

夷明 千雀萬鳩與鷄為仇威勢不敵雖眾無益為鷹所擊萬事皆失

家人 眾神集聚相與議語南國虐亂百姓愁苦興師征討更立賢主

睽 顏淵閔黨以禮自閑君子所居禍災不存

蹇 三桓子孫世秉國權爵勢上卿富于周公

解 鶴鳴九皋處子失時載土販鹽難為功力

損 方軸圓輪車行不前組囊以錐失其事便還師振旅兵革休止衍丈

益 魚擾水濁桀亂我國駕龍出遊東之樂邑天賜我祿與生為福

夬 白虎黑狼伏伺山陽遮遏牛羊病我商人

姤 履危不安踈顛我顏傷腫為癩

萃 三人輦車東入旁家 主母貪饕盜我資財亡失犂牛

升 三鶴南飛俱就塘池鰕鮓饒有利得過倍

困 鷹栖茂樹猴雀往來一擊獲兩利在枝柯

井 堯舜欽明禹稷股肱伊尹往來進履登堂顯德之徒可以輔王

革 枯旱三年草萊不生染盛空之無以供靈

鼎 口方圓舌為知樞門解釋鈞帶商旅以歡

震 鳧池水溢高陸為海江河橫流魚鼈成市千里無墻鴛鴦游行

艮 烹魚失乃駕車馬亡錫及不入魴鯉腥臊

漸 戎狄躡蹠無禮貪饕非吾族類君子攸去

歸 渡河踰水狐濡其尾不為禍憂捕魚遇蟹利得無幾

豐 河出小魚不宜勞煩苛政害民君受其患

旅 偃武修文兵革休安清人逍遙來歸空閑

巽 九疑鬱林阻濕不中鸞鳥易去君子不安

兌 搏捫逢虎患厭不起遂至懼國與福笑語君子樂喜

渙 狗生龍馬公勞嫗苦家無筐筥折悔為吝

節 嬰孩求乳慈母歸子黃麋悅喜得其甘餌

中 有兩赤鷄從五隼噪操矢無咎趣釋爾射扶伏聽命不敢動搖

過 伊尹智士去桀耕野執順以強天祐無咎

既 逐鹿山西利入我門陰陽和調國無災殃長子東遊須其三仇二句疑衍文

未 龍興之德周武成福長女宜家與君相德長股遠行狸且善藏

大畜之第二十六

大 朝鮮之地姬伯所保宜人宜家業處子孫求事大喜

乾 全柱鐵關膠固衛災君子居之安無憂疑

坤 轉禍為福喜采入屋春城憂國可以飲食保全家室

屯 水暴橫行浮屋壞墻決決溢溢市師驚惶居止不殆與母相保

蒙 虎豹熊羆遊戲山隅得其所欲君子無憂旅人失利市空無人

需 躬禮履仁尚德止訟宗邑已安三伯無患

訟 江淮易服元黃朱飾靈公夏徵哀禍無極高位崩顛失其寵室

師 不虞之患禍至無門奄忽暴卒痛傷我心

比 三塗五嶽去危入室凶禍不作桀盜堯服失其寵福貴人有疾

剝 配合相迎利之四鄉昏以為期明星煌煌欣喜垂澤所言得償

履 三手六身莫適所閑更伏搖動失事便箕子佯狂國乃不昌

泰 虎卧山隅鹿過後胸弓矢設張猾為功曹伏不敢起遂全其軀得我美章

否 麟鳳執獲英雄失職自衛反魯畏昧不起福祿訖已畏一作悔

同人 孽子作殃伯氏誅傷州犂奔楚失其寵光

有 黃帝出遊駕龍乘馬東至太山南過齊魯王良御右文武何咎不利市費

謙 齊魯爭言戰于龍門違怨致禍三世不安

豫 道禮和德仁不相賊君子往之樂有其利

隨 嫗妬公姥毀益亂類使我家憤利不得遂

蠱 一巢九子同公共母柔順利貞君子不殆福祿所在

臨 崔嵬北嶽天神貴客温仁正直主布恩德閔哀不已蒙受大福

觀 三蛆逐蠅陷墮釜中灌沸滄殪與母長訣

噬 東山西陵高峻難升滅夷掘壘使道不通商旅無功復反其邦

賁 常德自如不逢福殃福祿自來

剝 范子妙材戮辱傷膚後相秦國封為雁侯

復 狼虎結謀相欺為儔同嗜牛羊道絕不通病我商人

既 不宜林公與我爭訟謀伯無禮自令塞壘

顧 上天樓臺登拜受福喜慶天來

過 三羊上山東至平康黃龍服箱南至魯陽完其珮囊執綬車中行人有慶

坎 天地閉塞仁智隱伏商旅不利深難得

離 延陵適魯觀樂太史車轡白顛知秦興起卒兼其國一統為主

咸 索戰甲兵歸放馬牛徑路開通國無凶憂一下有村牆難擊疾病難治

恒 牛驥同堂郭氏以亡國破為墟君奔走趨

遯 大尾小腰重不可搖棟撓壞壞臣為君憂湯火之言消不為患使我復安

壯 太乙置酒樂正起舞萬福攸同可以安處保我甌齒一下有暗空無餌不利為故

晉 飲酒醉醺跳起爭鬪伯傷叔僵東家治喪

夷 陵險難登淵中多石車馳轆擊重載傷軸擔負重躑踖踣右足

家 爭訟不已更相咨詢張季弱口被髮北走一下有耳順從心躬行至不須以兵天下太平

睽 心志無良傷破妄行觸墻賊壁不見戶房先王閉關商旅委弃

蹇 鶴鳴鳩鴉治成御災綏德安家周公勤勞

解 清人高子久屯外野道遙不歸思我慈母

損 兩虎爭鬪股創無處不成仇讐言行解却去

益 天女推床不成文章南箕無舌飯多沙糖虐眾盜名雄鷄折頸

夬 太子扶蘇出于遠郊倭幸成邪改命生憂慈母之恩無路致之

姤 寒暑相推一明一微赫赫宗周榮光滅衰

萃 雞狗相望仁道篤行不吠昏明各安其鄉周鼎和鉅國富民有八極蒙祐

升 牕牖戶房通利明光賢智輔聖仁施大行家給人足海內殷昌

困 雨雪三月鳥獸飢乏旅人失宜利不可得機言解患以療篤難危身復安

井 白鵠啣珠夜食為明膏潤優渥國歲年豐中子來同見惡不凶

革 從豕牽羊與虎相逢雖驚不凶

鼎 鳧雁啞啞以水為宅雌雄相和心志娛樂得其所欲

震 逐狐平原水過我前深不可涉暮無所得

艮 窟室蓬戶寒賤所處千里望烟渙散四方形體滅亡下入深淵終不見君

漸 桀紂之主悖不堪輔貪榮為人必定其咎聚斂積實野在都邑未來我室

歸 倉庫盈億年歲有息商人留連雖久有得陰多陽少因地就力

豐 太山不於釣鯉失綸魚不可得利去我北一作三人同福以與周國君子安息

旅 童女無媒不利動搖安其室廬待母動憂

巽 載風雲母遊觀東海鼓翼千里見吾愛子

兌 鴻盜我襦逃于山隅不見其迹使伯心憂

節 夜視失明不利遠鄉閉門塞牖福我為母

節 三狗逐兔于東門路利以進取商人有得

中 武王不豫周公禱謝載璧秉珪安寧如故

過 同載其車中道別去爵級不進君子下與

濟 六雁俱飛遊戲稻池大飲多食飽無患一下有舉事不遂商旅作債

頤 符左契右相與合齒乾以坤利季生六子長成就風言如母不利為咎

頤之第二十七

頤 家給人足頌聲並作四夷賓服于艾卷閣

乾 思初道古哀吟無輔陽明不制上失其所

坤 江河淮海天之奧府眾利所聚可以饒有樂我君子

屯 三雁俱飛避暑就涼適與繒遇為繳所傷

蒙 秋南春北隨時休息處和履中安無憂凶

需 履危無患逃脫獨全不利出門傷我左膝疾病不食鬼哭其室

訟 東家凶婦怨其公姥毀盤破盆棄其飯食使吾困貧

師 泥滓汗辱棄捐溝瀆眾所笑哭終不顯錄

比 旦往暮還否與相存身無患凶

畜 六翮長翼夜過射國羿氏無得

履 蜂蠆之國難以止息嘉媚之士為王所食從去其室

泰 被狐乘龍為王道東過時不返使我憂聾

否 雪梅震陸心思憤憤懷憂少愧亂我魂氣

人月 長女三嫁進退多態北狐作妖夜行難憂

大有 轟轟鞞鞞驅東向西威盛必毀高位朋顛

謙 乘船涉濟載水逢火賴得無患惡家我全生

豫 德至之君政仁且溫伊呂股肱國富民安

隨 生不逢時困且多憂無有冬夏心常悲愁

蠱 南應玉山東入生門登福上堂飲萬歲漿

臨 大斧斫木讒人敗國東關二五禍及三子晉人亂危懷公出走

觀 一室百孫公悅媪歡相與笑言家樂以安

噬 隨陽轉行不失其常君安於鄉國無咎殃

賁 羣虎入邑求索肉食大人禦守君不失國

復 弱足則跟不利出門商賈無贏折崩為患湯火之憂轉解喜來

无 夏臺幽戶文王厄處鬼侯飲食岐人悅喜

剝 棟撓壞壞廊屋大敗宮闕空廓如冬枯樹

畜 讒以內安不利其國室家大懼幽囚重閉疾病多求罪亂憤憤

過 六龍俱怒戰於陂下倉黃不勝旅人艱苦

坎 天下雷行塵起不明市空無羊疾人憂凶三木不喜脫歸家邦

離 一指食肉口無所得染其鼎鼎古饒於腹

咸 喜笑不常失其福慶口辯言疥行者畏忌

漢魏叢書

焦氏易林

恒	遯	壯	晉	明	家人	睽	蹇	解	損	益	夬	姤	萃	升	困	井	革	
毛生毫背國樂民富侯王有德	積豕童牛害傷不來三光同堂生我福仁	江河淮濟盈溢為害邑被其癩年困無歲	兩虎爭鬪股瘡無處不成仇雙行解却去	五嶽四瀆潤洽為德行不失理民賴恩福	載車來馬南逢君子與我嘉福離憂無咎	缺囊破筐空無黍梁不媚始公棄於糞場	殺行桃園見虎東還螳螂之敵使我無患	箕仁入室政衰弊極抱其器奔於他國因禍受福	庭燎夜明追古傷今陽弱不制陰雄坐戾	懸貮素飡食非其任失輿剝廬休坐徙居	嘉聞福喜繪帛成織日就為得	執綏登車駟乘東遊說齊解燕霸國以安	水深無桴蹇難何游商伯失利庶人愁憂	三鳥鴛鴦相隨俱行南到饒澤食魚與梁君子長樂見惡不傷	遠視目盼臨深苦眩不離越都旅人留難	終風東西渙散四方終日至暮不見子懼 <small>一本此下皆大過之</small>	言無要約不成券契殷叔李姬公孫爭之疆人委命不悅我心	

鼎	震	艮	漸	歸	豐	旅	巽	兌	渙	節	中	小	既	濟	未	大	乾
牛馬聾瞶不知聲味遠賢賤仁自令亂憤疾病无患生福在門	從商近遊食飽無憂囹圄之困中子見口	据斗運樞順天無憂與樂竝居	姬奭姜望為武守邦藩屏燕齊周室以疆子孫億昌	亡羊東澤循隄直北子思其母隨返其所	張鳥開口舌直距齒然諾不行政亂無緒	載船逢火憂不為禍家在山東入門見公	絕國異路心不相慕蛇子兩角使我相惡	鼻項移徙居不安坐枯竹後生失其寵榮	火息無光千歲不長殷湯遠明	文王四乳仁孝篤厚子蓄十男無有折夭	熊羆豺狼在山陰陽伺鹿取麀道伏畏難	彫葉被霜獨蔽不傷駕入喜門與福為婚	黃離日照我四國元首昭明民賴為福 <small>一下有漢有游</small>	順風直北與歡相得歲熟年豐邑無寇賊 <small>一下有長女行嫁子孫不昌係疾為殃</small>	大過之第二十八	典册法書藏在蘭臺雖遭亂潰獨不遇災	日在北陸陰蔽陽目萬物空虛不見長育

坤 鬼泣哭社悲傷無後甲子昧爽殷人絕祀

屯 涉途履危不利有為安坐垂堂乃無災殃門戶自開君憂不昌

蒙 陽失其紀枯木復起秋葉冬實君不得失

需 大樹之子百條共母當夏六月枝葉茂盛鸞鳳以庇召伯遊暑翩翩偃仰各得其所

訟 秉鉞執爨挑戰先驅不役元帥敗破為憂

師 啓室開門巡狩釋寃夏臺姜里湯文悅喜

比 衰滅無幾淵溺在頃吠狗夜驚家乃不寧

剝 西鄰小女未有所許志如委衣不出房戶心無所處傅母何咎

履 狗吠夜驚履鬼頭頸危者弗傾患者不成

泰 當年少寡獨與孤處雞鳴犬吠無敢難者我生不辰獨嬰寒苦

否 無道之君鬼哭其門命與下國絕不得食

同人 乘龍南遊夜過糟江脫厄增憂下有增絕音傷昇不得美

大有 馬躡車傷長吉破家東關二五晉君出走

謙 瓜花瓠實百女同室醯苦不熟未有配合

豫 晨風文翰犬舉就溫時過我邑昇無所得

隨 悅浼促促塗泥至藪雨濇不進虎嚙不得

蠱 膠車駕東與雨相逢放革懈惰頓禹一作輪獨坐憂不為禍一作福

臨 六家作權公室剖分陰制其陽唐叔失明

觀 去室離家來奔大都火息復明姬伯以昌商人失功

噬 牧羊稽圍聞虎喧謹危懼喘息終無禍患

賁 嬰兒求乳母歸其子黃虜悅喜乃得甘飽

剝 廓落失業跨禍變福利無所得

復 出入無時憂患為災行人失牛利去不來若馬遺駒勿與久居

無妄 風怒漂木女感生疾陽失其時陰孽為賊

大畜 車馬疾傷不利越鄉幽人無貪去晦就明

頤 三哥六耦各有所主周南召南聖人所在德義流行民悅以喜

坎 坐爭立訟紛紛詢卒成福亂災及家公

離 凶憂為殘使我不安從之南國以除心疾

咸 愛我嬰女牽引不得冀幸高貴及曰下賤

恒 宜行賈市所取必倍載喜抱子與利為友

遯 坐席未溫憂來扣門踰牆北走兵交我後脫於虎口

壯 赤帝懸車廢職不朝叔帶之災君子記廬

晉 子畏於匡厄困陳蔡明德不危竟自免害

明 逐雁南飛馬疾牛罷不見漁池失利憂危牢戶之竟脫免無患

家人 推輦上山高仰重難終日至暮不見阜顛

睽 憂不為患福在堂門使君偃安

蹇 春桃生華李女宜家受福多年男為邦君

解 高山之巔去地億千雖有兵寇足以自守

損 過時歷月役夫憔悴處子嘆室思我伯叔

益 太微復明說升傳巖乃稱高宗一作疾在頭頸和不能生滅其令名

夬 旁多小星三五在東早夜晨行勞苦無功

姤 東鄉煩煩相與笑言子般鞭革圍人作患

萃 鼻移在頭枯葦復生下朽上榮家乃不寧其舍不成

升 蝦蟆羣聚從天請雨雲雷集聚應時輒與得其所願

困 大步上車南到喜家送我貂裘與福載來

井 賊仁傷德天怒不福斬刈宗社失其土宇一本此下皆順之

革 從猶見虎雖危無殆終已不處

鼎 履行素德卒蒙祐福與堯侑食君子有息

震 利在北陸寒苦難得憂危之患福為道陌商叔生存

艮 四蹇六盲足痛難行終日至暮不離其鄰

漸 臺駘昧子明知地理障澤宣德封居河涘

歸 畜水待時以備火災柱車絆馬郊行出旅可以无咎

豐 歲暮花落君衰于德榮寵殞墜陰奔其室

旅 夏敗蔡悲千里為市黃落滄鬱利得無有

巽 仲春巡狩東見羣后昭德允明不失其所

兌 柳潔縹緲締構難解嫫母銜嫁媒不得坐自為深禍

渙 烏嚙夜中以戒火凶重門擊柝備憂外客

節 朝霽暮露織我衣濡道無行牛

坤 抱璞懷玉與桀相賜誑坐不申道無良人

過 兩心相悅共其第絢風夜在公不離房中得君子意第絢一作茅蘆

漸 載饒茹田破鉏失餐苗稼不闢獨飢于年

濟 甘露醴泉太平機關仁德感應歲樂民安

坎之第二十九

坎 有鳥黃足歸呼季玉從我睢陽可避刀兵與福俱行有命久長

乾 太王為父季歷孝友文武聖明仁德興起孔張四國載福綏厚

坤 稜墮高木不矮手足保我全生還歸其室

屯 重耳恭敏遇讒出處北奔戎狄經涉齊楚以秦代懷誅殺子圍身為伯主

蒙 倚鋒據戟傷我胸臆耗折不息

需 狗冠雞步君失其所出門抵山行者憂難水灌我國高陸為泉

訟 眾鳥所翔中有大咤文身長頸為我驚憂

師 虎行相逐未有休息戰於平陸為夷所覆

比 禹鑿龍門通利水泉同注滄海民得安然

畜小 堯舜仁德養賢致福眾英積聚國無寇賊

履 陸居少泉山高無雲車行千里塗不污輪渴為我怨

泰 朝不見光夜不見明瞑抵空床季文奔亡愴然心傷

否 齊魯水國仁聖輔德造禮雅言定公以安

人同 東帛元圭君以布德伊呂百里應聘輔國

有大 棘鉤我襦為絆所拘靈巫拜祝禍不成災東山之邑中有肥土可以饒飽

謙 門燒屋燔為下所殘西行出戶順其道理虎卧不起牛羊歡喜

豫 牆高敵目崑崙翳日遠行無明不見懼叔

隨 天地際會不見內外祖辭遣送與世長訣

蠱 深水難涉泥塗至穀牛罷不進浮陷為疾

臨 羊驚虎狼獼猴羣走無益于僵為齒所傷

觀 履蛇躡虺與鬼相視驚恐失氣如騎虎尾

嗷 車驚人傾兩輪脫去行者不止人生憂懼結締復解夜明為喜

賁 南販北賈與喜為市利得百倍

剝 延陵適會觀樂太史車鄰白顛知秦興起卒兼其國一統為主

復 出門逢患與福為患反相擊刺傷我手端

姤 獐鹿羣走自然燕喜公子好遊他人多有

畜大 恭寬信每履福不殆從其邦域與喜相得

頤 欲飛無翼鼎重折足失其福利庖羞為賊一下有上妻之家富其家

過大 府藏之富王以賑貸捕魚河海布網多得

離 陰生麓鹿鼠舞鬼哭靈龜陸處釜顛塵生仁智盤桓國亂無歡

咸 風塵坎坷不見南北行迷失利復反其室

恒 金革白黃宜利戎市嫁娶有息商人悅喜

遯 匏瓜之德宜繫不食君子失輿官正懷憂

壯 乘船渡濟載水逢火賴得免患我有所持

晉 道險多石傷車折軸與市為仇不利客宿

明夷 託寄之徒不利請求結紵無言乃有悔患

人家 三年爭妻相逐奔馳終日不食精氣竭罷

睽 退惡防意日之中息解釋倒懸

蹇 兩足四翼飛入家國靈我伯姊與母相得

蹇 寒露所凌漸致堅米草木瘡瘍花落葉亡

損 后稷農功富利我國南畝治理一室百子

益 設網張羅捕魚園池網罟自決雖得復失危許之患受其忻懼

夬 路與縣休侯伯恣驕上失其威周室相微

姤 逐走追亡相及扶桑復見其鄉使我悔甚

萃 履祿綬厚載受福祉衰微復起繼世長久疾病死危晉人起告

升 鰥寡孤獨祿命苦薄入宮無妻武子哀悲

困 山沒邱浮陸為水魚燕雀無巢民無室盧

井 冠帶南遊與福喜期遨遊嘉國拜位逢時

革 東行亡羊失其羝祥少女無夫獨坐空廬

鼎 探巢捕魚耕田捕鮪費日無功右手虛空

震 東行飲酒與喜相抱福為吾家利來從母水澤之徒望邑而處

艮 妄怒失精自令畏悔怡怡之懼君子无咎

漸 白雲如帶往往來處飛風送迎大電將下擊我未稼僵死不起

歸 南至之日陽消不息北風烈寒萬物藏伏

豐 火中仲夏鴻雁解舍體重難移未能高舉君子顯名不失其譽

旅 此行出門履蹈顛踣足據塗汚我襦袴

巽 輕車馭祖疾風暴起促亂祭器飛揚鼓舞明神降佑道無害寇

兌 酒為歡伯除憂來樂福喜入門與君相索使我有德

渙 三足孤焦虛鳴督郵司過罰惡自賊其家毀敗為憂

節 三河俱合水怒踴躍壞我王屋民飢于食

中 南行秦園惡虎畏班執火銷鋒使我無患

小 求鹿過山與利為怨闇龍不言誰知其懼

齊 行旅困蹙失明守宿困圍之憂故蟄出遊

濟 据棘履祀跌刺為憂夫婦不和亂我良家

離之第三十

離 時乘六龍為帝使東達命官旨無所不通

乾 執轡四驥王以為師陰陽之明載受東齊

坤 春秋禱祀解禍除憂君子无咎

屯 坐朝乘軒据國子民虞叔受命和合六親

蒙 門戶下堂與福相迎祿于公室曾孫以昌

需 高木腐巢漏濕難居不去其巢使我無憂

訟 三女為姦俱行高園倍室夜行與伯笑言不認主母為設歡酒寃允誰禱

師 漏卮盛酒無以養老春貨乘糶年歲實有履道坦坦平安无咎

比 松柏枝葉常茂不落君子懼靈日富未樂

畜 夫婦不諧為燕攻齊良弓不張騎劫憂亡

履 出令不勝反為大災強不克弱君受其憂

泰 奔走相錯敗亂諸緒民不得作

否 載璧秉珪請命于河周公克敏冲人瘳愈

同人 素車為馬不任重負王侯出征憂危為咎

大有 大樹之子百條共母比之火中枝葉盛茂

謙 壅遏隄防水不得行火盛陽光陰蜺伏藏走歸其鄉

豫	五嶽四瀆合潤為德行不失理民賴恩福
隨	駕駿南遊虎驚我牛陰不奉陽其光滅就管之謙謙奉義解患
蠱	早霜晚雪傷害禾麥損功弃力飢無所食
臨	岐周海隅獨樂無憂可以避難全身保財
觀	陰蔽其陽日暗不明君憂其國求駢得黃駒犢從行
噬	金城鐵廓上下全力政平民歡寇不敢賊
賁	平公有疾迎醫秦國和不能治晉人疑惑
剝	載堯扶禹從喬彭祖西遇王母道路夷易無敢難者
復	羔羊皮革君子朝服輔政天德以合萬國
姤	振鐘鼓樂將軍受福安帖之家虎狼為憂履危不殆師行何咎
畜	嫡庶不明孽亂生殃陳失其邦
頤	鳥驚孤鴻亂國不寧上弱下強為陰所行
過	被綉夜行不見文章安坐于堂乃無咎殃長子帥師得其正常
坎	六月采芑征伐無道張仲方叔克勝飲酒
咸	昧暮乘車東至伯家踰梁越河濟脫無他
恒	東風解凍和氣兆升年歲豐登
遯	三狸搏鼠遮遏前後死於圍城不得脫走
壯	綏德孔明履祿久長貴且有光

晉	三虎搏狼力不相當如摧腐枯一擊破亡
明	使伯采桑狼不肯行與叔爭訟更相毀傷
家人	抱空握虛鴉驚我雛利去不來
睽	李花再實鴻卵降集仁哲以興隆國不賊
蹇	東山卑落勇悍不服金瑛玩好衣為身賊絲麻不作
解	飛蚊汚身為邪所率青蠅分白真孝放逐
損	南山大木文身六目制命出文東里宣敷尊主安居鄭國無患
益	泉起崑崙西出玉門流為九河無有憂患
夫	命短不長中年天傷恩及天堂哀其子亡
姤	君臣不和上下失宜宗子哀歌
萃	苛政日作蝗食華葉割下咬上民被其賊秋無所得
升	南行載鎧登履九魁車傷牛能日暮嗟咨
困	春東夏南隨陽有功與利相逢
井	頭尾顛倒不知緒處君失其國
革	言無要約不成券契殷叔李姬公孫爭之強入委命不悅子南
鼎	缺陷不成胎卵不生不見其形
震	見蛇交悟惜蜨畏惡心乃無海
艮	河水孔穴壞敗我室水深無涯魚鼈傾倒

漸 五嶽四瀆地得以安高而不危驚懼避患
 南至之日陽消不息北風冽寒萬物藏伏
 豐 五利四福俱田高邑黍稷盛茂多獲高稻
 旅 公孫駕車載遊東齊延陵子產遺我紵衣疾病哀悲
 巽 蛟虬當道民因愁苦望羊置羣長子在門
 兌 金玉滿堂忠直乘危三老凍餓鬼奪我室求魚河海網舉必得
 渙 日入明匿陽精隱伏小人心勞求事不得
 節 頻逢招飲失利後福不如子息舊器故杵申請必得乃無大悔
 中 南有嘉魚駕黃取遊魴鱖詡詡利來無憂
 過 黃裳建元文德在身祿祐洋溢封為齊君
 既 口不從心欲東反西與意乖戾動舉失便
 淋 虎狼之鄉日爭凶訟叨爾為長不能定証

易林卷三

咸之第三十一

咸 雌單獨居歸其本巢毛羽憔悴志如死灰
 乾 小窗多明道里利通仁賢君子國安不僵
 坤 心惡來惟衝衝何懼顏淵子蹇尼父聖誨
 屯 鳥嗚呼子哺以酒脯高樓水起來歸其母

蒙 國馬比角陰孽萌作變易常服君失于宅
 需 入年多悔耕石不富衝門屢空使士失意
 訟 諸儒行賈遠涉山阻與旅為市不危不殆利得十倍
 師 梁破橋壞水深多畏陳鄭之間絕不得前
 比 雙鳧俱飛以歸稻池經涉淮澤為夫所傷損我胸臆
 剝 謾誕不成佞梁滅文許人買牛三夫爭之失利在時公孫懷憂
 履 南國饑凶民食糟糠少子困捕利無所得
 泰 狗吠非主狼虎夜擾驚我東西不為家咎
 否 望龍無目不見手足入水求玉失其所欲
 同人 以鹿為馬欺誤其主聞言不信三口為咎黃龍三子中樂不殆
 猷 養幼新婚未能出門登宋望齊不見大師
 謙 王孫貴子相與為友明允篤誠升擢薦舉
 豫 山水暴怒壞梁折柱藉旅難行留連愁苦
 隨 鸛鳩徙巢西至平州遭逢雷電碎我蒼蘆室家飢寒思吾故初
 臨 登高傷軸上阪弃粟販鹽不利市賈折角
 觀 祝駝王孫能事鬼神節用緩民衛國以存眉壽多年
 九里十山道卻峻難牛馬不前復反來還還道
 觀 枯樹不花空淵無魚舊鳥飛翔利弃我去

賁 雄狐縷遺登山崔嵬昭告顯功大福允興
 剝 啞啞笑言與歡飲酒長樂行賜千秋起舞拜受大福
 復 大椎破殼長舌亂國床第之言三世不安
 姤 男女合室三姓同食婚姻孔云宜我孝孫
 大 千仞之牆不得入門金籠鑊疏利以避兵欲上南阪軸方不轉還車復反
 頤 華言風語自相註誤終無凶事安益如故
 過 汎汎柏舟流行不休耽耽寐寐公懷大憂仁不過時退隱窮居
 坎 大尾小頭重不可搖上弱下強陰制其雄
 離 一身三口語無所王東西南北迷惑失道
 恆 南行求福與喜相得封受上賞鼎足輔國
 遯 過時不歸雌雄苦悲徘徊外國與母分離
 壯 堯舜在國陰陽和德涿聚衣裳晉人無殃
 晉 周公之隆越裳夷通疾病多祟鬼哭其公狼子野心客宿不同
 明 申酉脫服牛馬休息君子以安勞者得懼
 家人 凱風無母何恃何怙幼孤弱子為人所苦
 睽 出門上堂從容媪房不失其常天牢地戶勞者憂苦
 蹇 天厭周德命與南國以禮靜民兵革休息
 解 堂桑折衡佐闢者傷暴臣反國良臣被殃

損 合歡之國嘉喜我福東岳西山朝齊成思
 益 耕石不生弃禮無名縫衣失針襦袴不成
 夬 聲普闔盲跛倚不行坐尸孱身被大災困其多憂
 姤 生長太平仁政流行四方歸德社稷康榮
 萃 桀跖竝處民人愁苦捕兵荷糧戰於齊魯合卷得牢姬姜竝居
 升 南與凶俱破車失糶西行無袴亡其寶賂
 困 空曹狂器豚豕不至張弓祝難雄父飛去
 井 望尚阿衡太宰周公藩屏湯武立為王侯
 革 朝鮮之地姬伯所保宜家宜人業處子孫
 鼎 息憂解笑故貧今富載樂履善與福俱憂變作
 震 叔迎伯兄遇卷在陽君子季姬竝坐鼓簧
 艮 順風縱火艾芝俱亡三官集房一子中傷
 漸 駕車八里求鮮魴鯉非吾肆居自今失市君子所在安無危殆
 歸 拔劍傷手見敵不起良朋無佐困辱為苦
 豐 亂君之門佐鬪傷跟營私貪祿身為悔殘東下泰山見我所歡
 旅 慈母望子遠思不已客外野使我心苦
 巽 魴生淮卻一轉為百周流四海無有患惡淮卻又作江雖
 兑 甘露醴泉太平機關仁德感應歲樂民安

渙

采薇出車魚麗思初上下役急君子免憂

節

豕生魚魴鼠舞屢室雄佞施毒上下昏荒君失其邦

中

三頭六目道畏難宿寒苦之圖利不可得

過

燕雀銜茅以生子乳昆弟六人懽好孝悌各同心願和悅相樂

既濟

文君德義仁聖致福年無貽天國富民實卧者在室曾思曾息

未濟

秋梁未成無以至陳水深難涉使我不前

恒之第三十二

恒

黃帝所生伏羲之守兵刃不至利以居止

乾

登墀踈足南行折角長夜之室不逢忠直

坤

燕雀哀老悲鳴入海憂在不飾差池其羽頡頏上下寡位獨處

屯

關門除憂伯自外來切切之患我心得歡

蒙

郊耕擇耜有所疑止空虛無子蒙昧不知

需

張牙切齒斷怒相視禍起蕭牆牽引吾子患不可解憂驚吾母

訟

履不容足南山多棘母出房闈乃無病疾

師

醉牛亡子鳴於大野申后陰微還歸其母

比

龍生于淵因風昇天章虎炳文為禽敗軒發蜺温谷暮宿崑崙終身無患光精照耀不被患難

剝

既嫁宜吉出入無咎三聖並居國安無災

履

北陸陽伏不知黑白君子傷讒正善善人

泰

一身兩頭延適二家亂不可治

否

牝馬牡駒歲孽不休君子衣服利得有餘

同人

南行懷憂破其金輿安坐故廬乃無殃患

飲

憂人之患履傷浮願為身禍殘篤心自守與喜相抱

謙

咸陽辰巳長安戌亥上陵生心非魚鮪市可以避水終無凶咎

豫

不知何孫夜來扣門我慎外寇兵戎且來

隨

昧旦不明日暗無光喪滅失常使我心傷

蠱

江陰水側舟楫破之狐不得南豹無以北雖欲會盟河水梁絕

臨

神之在丑逆破為咎不利西南商人休止

觀

狀諾不行欺訟誤人使我虛宿夜歸温室神怒不直鬼繫無目欲求福利適反自賊

噬

攘臂拯肘怒不可止狼戾復狼無與為市

賁

販馬買牛會值空虛利得少留運為憂

剝

高樓陸處以避風雨深堂邃宇君安其所北難之息為我利福請求弗得

復

阿衡服箱太乙載行遊時歷舍所求吉昌

姤

飛來之福入我居室以安吾國

夬

不孝之患子孫為殘老耄莫養獨坐空垣

頤

南過棘門駒裂我冠斷衣傷襦使君恨憂

過

重門射平不知所定質疑者龜孰可避火明神答報告以犧牲宜止居

坎 麟慶鳳雛安樂無憂捕魚河海利踰徒居

離 新田宜粟上農得穀君子懷德以千百祿

咸 簪短帶長出思苦窮瘡瘵瘠瘦以病之瘥

遯 爭訟之門不可與隣出入有為憂生我患

壯 朽根枯株不生肌膚病在心腸日以焦枯

晉 兩師娶婦黃嚴季女成禮就婚相呼南上膏我下土年歲大茂

頤 冬採薇蘭地凍堅難利走夫北暮無所得

家人 味之東域誤過虎邑失我熟熊一作熊饑無所食

睽 日莫閉目隨陽休息箕子以之乃受其福舉事多言必為悔殘

蹇 蓼蕭灑灑君子龍光鳴鸞囉囉福祿來同

解 鳥飛無翼免走折足雖不同會未能利達

損 五勝相賊火得水息精光消滅絕不能續

益 東資齊魯得駢大馬便辟能言市人善賈隣人併戶請火不與人道閉塞鬼崇其宇

夬 爭雞失羊亡其金囊利不得長陳蔡之患賴楚以安

姤 九登十陟馬跌不前管子佐之乃能上山

萃 東隣愁苦君亂天紀日貪祿寵必受其咎一本有意合志同內外相從見吾伯公

升 三狸捕鼠遮遏我前死於外域不能脫走

困 狼虎爭強禮義不行兼吞其國齊魯無王

井 五岳四瀆合潤為德行不失理民賴恩福

革 六月種黍歲晚無雨秋不宿酒神失其所先困後通與福相從

鼎 駮北龍身日取三千南上蒼梧與福為婚道理夷易身安無患

震 出入休居安止無憂上室之權虐為季殘

艮 南山昊天刺政閔身疾病無辜背憎為仇

漸 潼頓東徙道路跛踣日辰不良病為崇禍

歸 兄征東燕弟伐遼西大克勝還封居河間

豐 播輪折輻馬不得行豎牛之讒賊其父兄布衣不傷終身無患

旅 駕之南海晨夜不止君子勞罷僕夫焦苦

巽 怨重被燒忿怒生禍褊心作事意如為亂

兌 張狂妄行竊食稻梁狗吠非主嚙傷飛足

渙 警蹕式道先驅除咎王后親桑以率羣功安我祀宗

節 門戶乏食困死誰告對門不通安所歸急積藏五穀一花千葉市賈有息

中 破敝復完危者得安鄉善無損商人有息利來入門

過 疊疊累累如岐之室一息十子古公始邑

濟 三嫗治民不勝其任兩馬爭車敗壞家室

漸 蔽鏡無光不見文章少女不市棄於相望

遯之第三十三

遯	三塗五嶽陽城太室神明所住獨無兵革
乾	軟弱無輔不能自理意在外野心懷勞若雖憂不治
坤	周成之隆刑措无凶太眾讚佑君子作仁
屯	穴有狐烏坎生蝦蟆象去萬里不可得捕
蒙	俱為天民雲過吾面治民嫉妬與我無恩 <small>作門</small>
需	二手六目政多煩惑旱陶唐聾亂不可從
訟	德積不輕辭王鈞耕三媒不已大福來成
師	堅固相親日用日完六體不易孰為安全兩師駕西濡我較輪張伯李季各噬關門
比	方內不行輻摧輪傷馬禁隄與愛子閑時
畜小	畜牝無駒養雞不雜羣羊三歲不生兩頭
履	老耄罷極無取中直懸輿致仕得歸鄉國
泰	縮緒亂絲手與為災越故逐兎斷其禪襦
否	海老水乾魚鱉蕭索高落无潤獨有沙石
同人	入市求鹿不見頓足終日至夜竟無所得
大有	築門墜戶虎卧當道驚我驂駟不利出處
謙	陶朱白圭善賈息資公子王孫富貴不貧
豫	王良善御伯樂知馬周旋步驟行中規矩止息有前延命壽考
隨	堯問大舜聖德增益使民不懼安無忱惕

蠱	昭公失常季氏恃狂遊齊處郵喪其寵身
臨	昏暮不行候旦待明復往止後未得相從
觀	安止宜官一日九遷升擢超等牧養常山
噬嗑	去惡就凶東西多訟行者无功
賁	老馬垂耳不見百里君子弗恃商人莫取無與為市
剝	蠟螺生子深目黽醜似類其母雖或相就眾人莫取 <small>一云蠟螺自疑當作一目</small>
復	百足俱行相輔為疆三聖翼事玉室寵光
姤	容民蓄眾履德有信大人受福童蒙憂惑利無所得
畜大	左跌右僵前躑觸桑其稽據石傷其弟兄老蠶不作家無織帛貴貨賤身久留連客
頤	昏人旦明賣食老昌國祚東表號稱太公
遯	敵筭在梁魴逸不禁漁父勞苦焦喉乾口虛空無有
坎	盛中後跌衰者復振盈滿或毀疾羸肥臍鄭昭失國重耳興立
離	折亡破甕使我困貧與母生分別離異門
咸	野有積瘞書人駕取不逢狼虎暮歸其宇
恒	疆祿孩孤冠帶成家出門如賓父母何憂
壯	陳力就列官職無廢手不勝益失其寵門
晉	積雪大寒萬物不生陰制庶士時本寒貧
夷明	龍鬪海門失理傷賢內畔生賊自為心疾

家 不畏猛虎依人為輔三夫執獸伏不敢起身安无咎

睽 南山高崗回隄難登道路遼遠行者无功憂不改凶惡亦消去

蹇 逢時陽遂富且尊貴

解 求我所欲得其利福終身不辱盈盛之門高屋光覆君先其固

損 安坐至暮禍災不到利詰姤妹皇宥不赦

益 膠車駕東與雨相逢五發解墮頓斬獨宿憂為身福

夬 擇日高飛遠至東齊見孔聖師徒我相諧

姤 陳媯敬仲兆興齊姜乃適管正八世大昌

萃 缺將无憚難從東西毀破我盆泛棄酒食

升 中夜狗吠盜在廬外神光佐助消散歸去

困 雷車不藏隱隱西行霖雨三旬流為河江使我憂心

井 老河空虛舊井無魚利得不饒避患東隣福來入門使我悔存

革 福德之士歡悅日喜夷吾相國三歸為臣貴流子孫

鼎 清人高子久屯外野逍遙不歸思我慈母

震 驄驕黑鬣東歸高鄉白虎推輪蒼龍把衡朱雀導引靈鳥載遊遠扣天門入見真君馬全人安

艮 路多枳棘前棘我足不利旅客為心作毒

漸 端坐生患憂來入門使我不安

歸 小阪之市利不足喜三世積仁蒙其祖先匪躬之言狂悖為患

